

新譯大乘入楞伽經序

御製

錄

蓋聞摩羅山頂既取崇而取嚴楞伽城中實難往而難入先佛弘宣之地曩聖修行之所爰有城主號羅婆那乘宮殿以調尊顏奏樂音而析妙法因塲峯以表興指藏海以明宗所言入楞伽經者斯乃諸佛心量之玄樞群經理窟之妙鍵廣喻幽旨洞明深義不生不滅非有非無絕去來之二迹離斷常之雙執以第一義諦得寂上妙珍體諸法之皆虛知前境之如幻混假名之分別等生死與涅槃大慧之問初陳法王之旨斯發一百八義應寶相而離世間三十九門破邪見而宣政法曉名相之並假柱妄想之迷杵依正智以會真如悟緣起而歸妙理境風既息識浪方澄三自性皆空二無我俱泯入如來之藏遊解脫之門原此經文來自西國至若元嘉建號踐阼之譯未弘延昌紀年流支之義多舛朕虔思付囑情切紹隆以久親元年歲次庚子林鍾紀律炎

帝

帝司辰于時避暑箕臺觀風頡水二陽宮內重出斯經計三本之要詮成七卷之了教三歲沙門于闐國僧寶又難陀大德大福先寺僧復禮等並名追安遠德契騰蘭龍龍樹之芳猷探馬鳴之秘府戒香興覺花齊韻意珠共性月同圓故能了達冲微發揮與賴以長安四年正月十五日繕寫士畢自惟菲薄言謝珪璋願四藉而多慙瞻一乘而同洎難連緇俗之請強申翰墨之文詞拙理乖彌增愧惡伏以此經微妙寂為希有所冀破重昏之暗傳燈之句不窮演流注之叨湧泉之義無盡題目品次列於後士大乘入楞伽經卷第一

大周于闐國三藏法師玄奘譯

羅婆那王勸請品第一

如是我聞一時佛住大海濱摩羅耶山頂楞伽城中與大比丘眾及大菩薩眾俱其諸菩薩摩訶薩悉已通達五法三性諸識無我善知境界自心現義遊戲無量自在三昧神通諸力隨眾心現種種形方便調伏一切諸佛

手灌其頂皆從種種諸佛國土而來此會大慧菩薩摩訶薩為其上首今時世尊於海龍王宮說法過七日已從大海出有無量億梵釋護世諸天龍等奉迎於佛今時如來舉目觀見摩羅耶山楞伽大城即便微笑而作是言昔諸如來應正等覺皆於此城說自所得聖智證法非諸外道臆度邪見及以二乘修行境界我今亦當為羅婆那王開示此法今時羅婆那王又正以佛神力聞佛言音遙知如來從龍宮出梵釋護世天龍圍遶見海波浪觀其眾會藏識大海境界風動轉識浪起發歡喜心於其城中高聲唱言我當詣佛請入此城令我及與諸天世人於長夜中得大饒益作是語已即與眷屬乘花宮殿往世尊所到已下殿右遶三匝作眾伎樂供養如來所持樂器皆是大青因陀羅寶琉璃等寶以為間錯無價上衣而用經裏其聲美妙音節相和於中說偈而讚佛曰心自性法藏無我離見垢證智之所知願佛為宣說善法集為身證智常安樂

大乘入楞伽經卷第一 第四法 頌

變化自在者 願入楞伽城 過去佛菩薩
皆曾住此城 此諸夜叉衆 一心願聽法
今時羅婆那楞伽王 以都陀迦音歌
讚佛已復以歌聲而說頌言

世尊於七日 住摩竭海中 然後出龍宮
安詳昇此岸 我與諸姝女 及夜叉眷屬
輪迴婆刺那 衆中聰慧者 悉以其神力
往詣如來所 各下花宮殿 札敬世所尊
復以佛威神 對佛稱已名 我是羅刹王
十首羅婆那 今來詣佛所 願佛攝受我
及楞伽城中 所有諸衆生 過去無量佛
咸昇寶山頂 住楞伽城中 說自所證法
世尊亦應令 住彼寶嚴山 菩薩衆園遠
演說清淨法 我等於今日 及住楞伽衆
一心共欲聞 離言自證法 我念去來世
所有無量佛 菩薩共圖遠 演說楞伽經
此入楞伽典 昔佛所稱讚 願佛同往尊
亦為衆開演 請佛為哀愍 無量夜叉衆
入彼寶嚴城 說此妙法門 此妙楞伽城
種種寶嚴飾 牆壁非土石 羅網悉珍寶
此諸夜叉衆 昔曾供養佛 修行難諸過
證知常明了 夜叉男女等 渴仰於大衆
自信摩訶衍 亦樂令他住 惟願無上尊

大乘入楞伽經卷第一 第五法 頌

為諸羅刹衆 覓耳等眷屬 往詣楞伽城
我於去來今 勤供養諸佛 願聞自證法
究竟大衆道 願佛哀愍我 及諸夜叉衆
共諸佛子等 入此楞伽城 我宮殿姝女
及以諸瓔珞 可愛無憂園 願佛哀納受
我於佛菩薩 無有不捨物 乃至身給侍
惟願哀納受

今時世尊聞是語已 即告之言 夜叉
王過去世中 諸大導師 咸哀愍汝 受
汝勸請 詣寶山中 說自證法 未來諸
佛亦復如是 此是修行 甚深觀行 現
法樂者之所住 處我及諸菩薩 哀愍
汝故 受汝所請 作是語已 默然而住
時羅婆那王 即以所乘 妙花宮殿 奉
施於佛 佛坐其上 王及諸菩薩 前後
導從 無量姝女 歌詠讚歎 供養於佛
往詣彼城 到彼城已 羅婆那王 及諸
眷屬 復作種種上妙供養 夜叉衆中
童男童女 以寶羅網 供養於佛 羅婆
那王 施寶瓔珞 奉佛菩薩 以掛其頸
今時世尊及諸菩薩 受供養已 各為
略說 自證境界 甚深之法 時羅婆那
王 并其眷屬 復更供養 大慧菩薩 而

大乘入楞伽經卷第一 第六法 頌

勸請言

我今請大士 奉問於世尊 一切諸如來
自證智境界 我與夜叉衆 及此諸菩薩
一心願欲聞 是故威勸請 汝是修行者
言論中 寂勝是故 生尊敬 勸汝請問法
自證清淨法 究竟入佛地 離外道二乘
一切諸過失

今時世尊以神通力 於彼山中 復更
化作無量寶山 悉以諸天 百千萬億
妙寶嚴飾 一一山上 皆現佛身 一一
佛前 皆有羅婆那王 及其衆會 十方
所有一切國土 皆於中現 一一國中
悉有如來 一一佛前 咸有羅婆那王
并其眷屬 楞伽大城 阿輪迦園 如是
莊嚴等 無有異 一一皆有 大慧菩薩
而興請問 佛為開示 自證智境 以百
千妙音 說此經已 佛及諸菩薩 皆於
空中 隱而不現 羅婆那王 唯自見身
住本宮中 作是思惟 向者是誰 誰聽
其說 所見何物 是誰 能見佛及國城
衆寶山林 如是等物 今何所在 為夢
所作 為幻 所成為復 猶如 乾闥婆城
為翳 所見 為焰 所感 為如夢 中石女

生子為如煙焰旋火輪耶復更思惟一切諸法性皆如是唯是自心分別境界凡夫迷惑不能解了無有能見亦無所見无有能說亦無所說見佛聞法皆是分別如向所見不能見佛不起分別是則能見時楞伽王尋即開釋離諸難證唯自心住無分別往昔所獲善根力故於一切法得如實見不隨他悟能以自智善巧觀察永離一切魔度邪解住大修行為修行師現種種身善達方便巧知諸地上增進相常樂遠離離心意意識斷三續見離外道執著內自覺悟入如來藏趣於佛地聞虛空中及宮殿內咸出聲音善哉大王如汝所學諸修行者應如是學應如是見一切如來應如是見一切諸法若異見者則是斷見汝應永離心意意識應勤觀察一切諸法應修內行莫著外見莫墮二乘及以外道所修句義所見境界及所應得諸三昧法汝不應樂戲論談笑汝不應起圓胞諸見亦不應著三位自在亦不應住六定等中若能如

是即是如實修行者行能推他論能破惡見能捨一切我見執著能以妙慧轉所依識能修菩薩大乘之道能入如來自證之地汝應如是勤加修學令所得法轉更清淨善修三昧三摩鉢底莫著二乘外道境界以為勝乘如凡修者之所分別外道執我見有我相及實求那而生取著二乘見有無明緣行於性空中亂想分別楞伽王此法殊勝是大乘道能令成就自證聖智於諸有中受上妙生楞伽王此大乘行破無明翳滅識波浪不墮外道諸邪行中楞伽王外道行者執著於我作諸異論不能演說離執著見識性二義善哉楞伽王汝先見佛思惟此義如是思惟乃是見佛今時羅婆那王復作是念願我更得奉見如來如來世尊於觀自在離外道法能說自證聖智境界超諸應化所應作事住如來定入三昧樂是故說名大觀行師亦復名為大哀愍者能燒煩惱分別薪盡諸佛子眾所共圍繞普入一切眾生心中遍一切處具

一切智永離一切分別事相我今願得重見如來大神通力以得見故未得者得已得不退離諸分別住三昧樂增長滿足如來智地今時世尊知楞伽王即當證悟無生法忍為哀愍故便現其身令所化事還復如本時十頭王見所曾觀無量山城惡寶莊嚴一一城中皆有如來應正等覺三十二相以嚴其身自見其身遍諸佛前悉有大慧夜叉圍遠說自證智所行之法亦見十方諸佛國土如是等事悉無有別今時世尊普觀眾會以慧眼觀非肉眼觀如師子王奮迅迴到欣然大笑於其眉間脰脇臂頸及以肩臂德宇之中一一毛孔皆放無量妙色光明如紅拖暉如日舒光亦如劫火猛焰熾然時虛空中梵釋四天遙見如來坐如須弥楞伽山頂欣然大笑今時諸菩薩及諸天眾咸作是念如來世尊於法自在何因緣故欣然大笑身放光明默然不動住自證境入三昧樂如師子王周迴顧視觀羅婆那念

如寶法

大乘入楞伽經卷第一 第三張 跋

亦時大慧菩薩摩訶薩先受羅婆那王請復知菩薩衆會之心及觀未來一切衆生皆悉樂著語言文字隨言取義而生迷惑執取二乘外道之行或作是念世尊已離諸識境界何因緣故欣然大笑為斷彼疑而問於佛佛即告言善哉大慧善哉大慧汝觀世間愚諸衆生於三世中惡見所經欲令開悟而問於我諸智慧人為利自他能作是問大慧此楞伽王曾問過去一切如來應正等覺二種之義今亦欲問未來亦此二種義差別之相一切二乘及諸外道皆不能測亦時如來知楞伽王欲問此義而告之曰楞伽王汝欲問我宜應速問我當為汝分別解釋滿汝所願令汝歡喜能以智慧思惟觀察離諸分別善知諸地修習對治證真實義入三昧樂為諸如來之所攝受住奢摩他樂遠離二乘三昧過失住於不動善慧法雲菩薩之地能如實知諸法無我當於大寶蓮花宮中以三昧水而灌

大乘入楞伽經卷第一 第三張 跋

其頂復現無量蓮花圍繞無數菩薩於中止住與諸衆會遙相瞻視如是境界不可思議楞伽王汝起一方便行住修行地復起無量諸方便行汝定當得如上市說不思議事處如來位隨形應物汝所當得一切二乘及諸外道梵釋天等所未曾見

亦時楞伽王蒙佛許已即於清淨光明如大蓮華寶山頂上從座而起諸殊女衆之所圍繞化作無量種種色花種種色香末香塗香幢幡蓋冠珞璣及餘世間未曾見聞種種勝妙莊嚴之具又復化作欲界所有種種無量諸音樂器過諸天龍乾闥婆等一切世間之所有者又復化作十方佛土昔所未曾見諸音樂器又復化作大寶羅網遍覆一切佛菩薩上復現種種上妙衣服建立幢幡以為供養作是事已即昇虛空高十多羅樹於虛空中復雨種種諸供養雲作諸音樂從空而下即坐第二日電光明如大蓮花寶山頂上歡喜恭敬而作是言我今欲問如來二義如是二義

大乘入楞伽經卷第一 第三張 跋

我已曾問過去如來應正等覺被佛世尊已為我說我今亦欲問於是義唯願如來為我宣說世尊變化如來說此二義非根本佛根本佛說三昧樂境不說虛妄分別所行善哉世尊於法自在唯願哀愍說此二義一切佛子心皆樂聞

亦時世尊告彼王言汝應問我當為汝說時夜叉王更著種種寶冠璣珞諸莊嚴具以嚴其身而作是言如來常說法尚應捨何況非法云何得捨此二種法何者是法何者非法法若應捨云何有二有二即墮分別相中有體無體是實非實如是一切皆是分別不能了知阿賴耶識无差別相如毛輪住非淨智境法性如是云何可捨亦時佛告楞伽王言楞伽王汝豈不見瓶等无常敗壞之法凡夫於中妄生分別汝今何故不如是知法與非法差別之相此是凡夫之所分別非證智見凡夫墮在種種相中非諸證者楞伽王如燒宮殿園林見種種焰火性是一所出光焰由薪力故

長短大小各各差別汝今云何不如是知法與非法差別之相楞伽王如一種子生牙莖枝葉及以花果無量差別外法如是內法亦然謂無明為緣生蘊界處一切諸法於三界中受諸趣生有苦樂好醜語默行止各各差別又如諸識相雖是一隨於境界有上中下染淨善惡種種差別楞伽王非但如上法有差別諸修行者修觀行時自智所行亦復見有差別之相況法與非法而無種種差別分別楞伽王法與非法差別相者當知志是相分別故楞伽王何者是法所謂二乘及諸外道虛妄分別說有實等為諸法因如是等法應捨應離不應於中分別取相見自心法性則無執著觀等諸物凡愚所取本無有體諸觀行人以毗鉢舍那如實觀察名捨諸法楞伽王何者是非法所謂諸法無性无相永離分別如實見者若有若無如是境界彼皆不起是名捨非法復有非法所謂兔角石女兒等皆無性相不可分別但隨世俗說有名

字非如瓶等而可取著以彼非是識之所取如是分別亦應捨離是名捨法及捨非法楞伽王汝先所問我已說竟楞伽王汝言我於過去諸如來所已問是義彼諸如來已為我說楞伽王汝言過去但是分別未來亦然我亦同彼楞伽王彼諸佛法皆離分別已出一切分別戲論非如色相唯智能證為今衆生得安樂故而演說法以無相智說名如來是故如來以智為體智為身故不可分別不可以所分別不可以我人衆生相分別何故不能分別以意識因境界起取色形相是故離能分別亦離所分別楞伽王譬如譬上於畫衆生無有覺知世間衆生悉亦是元業無報諸法亦然無聞元說楞伽王世間衆生猶如變化凡夫外道不能了達楞伽王能如是見名為正見若他見者名分別見由分別故取著於二楞伽王譬如有人於水鏡中自見其像於燈月中自見其影於山谷中自聞其響便生分別而起取著此亦是法與非

法唯是分別由分別故不能捨離但更增長一切虛妄不得寂滅寂滅者所謂一緣一緣者是寂勝三昧從此能生自證聖智以如來藏而為境界大乘入楞伽經集一切法品第二之一

今時大慈菩薩摩訶薩與摩帝菩薩俱遊一切諸佛國土承佛神力從座而起偏袒右肩右膝著地向佛合掌曲躬恭敬而說頌言

世間離生滅譬如虛空花智不得有無而興大悲心一切法如幻遠離於心識智不得有無而興大悲心世間恒如夢遠離於斷常智不得有無而興大悲心知人法無我煩惱及今焰常清淨無相而興大悲心佛不住涅槃涅槃不住佛遠離覺不覺若有若非有法身如幻夢云何可稱讚知無性无生乃名稱讚佛佛無擾境相不見名見佛云何於牟尼而能有讚毀若見於牟尼寂靜遠離生是人今後世離著無所見

今時大慈菩薩摩訶薩得讚佛已自說姓名
我名為大慈通達於大乘今以百八義

仰諮尊中上

時世間解聞是語已普觀衆會而說是言

汝等諸佛子今皆悉所問我當為汝說自證之境界

今時大慈菩薩摩訶薩蒙佛許已頂禮佛足以頌問曰

云何起計度云何淨計度云何起迷惑

云何淨迷惑云何名佛子及無影次第云何剎土化相及諸外道解脫至何所誰縛誰能解

誰縛誰能解

云何禪境界何故有三乘彼以何緣生何作何能作誰說二俱異云何諸有起

云何無色定及與滅盡定云何為想滅云何從定覺云何所作生進去及持身

云何見諸物云何入諸地云何有佛子誰能破三有何處身云何生復住何處

云何得神通自在及三昧三昧心何相願佛為我說云何名意識云何名意識

云何起諸見云何退諸見云何姓非姓云何唯是心何因建立相云何成无我

云何無衆生云何隨俗說云何得不起常見及斷見云何佛外道其相不相違

何故當來世種種諸異部云何為性空

云何剎那滅胎藏云何起云何世不動云何諸世間如幻亦如夢乳城及陽焰

乃至水中月云何菩提分覺分從何起云何國土乱何故見諸有云何知世法

云何離文字云何如空花不生亦不滅真如有幾種諸度心有幾云何如虛空

云何離分別云何地次第云何得無影何者二無我云何所知淨聖智有幾種

戒衆生亦然摩尼等諸寶斯並云何出誰起於語言衆生及諸物明處與伎術

誰之所顯示何他有幾種長行句亦然道理幾不同解釋幾差別飲食是誰作

受欲云何起云何轉輪王及以諸小王云何王守護天衆幾種別地日月星宿

斯等並是何解脫有幾種修行師復幾云何阿闍梨弟子幾差別如來有幾種

本生事亦然衆魔及異學如是各有幾自性幾種異心有幾種別云何唯假設

願佛為開演云何為風雲念智何因有勝樹等行列此並誰能作云何為馬獸

何因而捕取云何早陋人此並誰能作云何六時攝云何一聞提女男及不男

此並云何生云何修行進云何修行退

瑜伽師有幾令人住其中衆生諸趣何形何色相富饒大自在此復何因得

云何釋迦種云何甘蔗種仙人長苦行是誰之教授何因佛世尊一切剎中現

異名諸色類佛子衆圍遶何因不食肉何因今斷肉食肉諸衆生以何因故食

何故諸國土猶如日月形湧跡及蓮花凡字師子像何故諸國土如圓陀羅網

覆住或側住一切寶所成何故諸國土無垢日月光或如花果形莖葉細香敷

云何變化佛云何為報佛真如智慧佛願皆為我說云何於欲界不成等正覺

何故色究竟離染得菩提如來滅度後誰當持正法世尊住久如正法幾時住

悉檀有幾種諸見復有幾何故立毗尼及以諸比丘一切諸佛子獨覺及聲聞

云何轉所依云何得無相云何得世通云何得出世復以何因緣心住七地中

僧伽有幾種云何成破僧云何為衆生廣說譬方論何故大牟尼唱說如是言

迦葉拘留孫拘那含是我何故說斷常及與我无我何不恒說實一切唯是心

云何男女林訶梨菴摩羅難羅婆輪聞
及以金剛山如是處中間无量寶莊嚴
仙人乳園婆一切皆充滿此皆何因緣
願尊為我說

今時世尊聞其所請大乘微妙諸佛
之心寂上法門即告之言善哉大慈
諦聽諦聽如汝所問當次第說即說
頌言

若生若不生涅槃及空相流轉無自性
波羅密佛子聲聞辟支佛外道無色行
須弥巨海山洲渚刹土地星宿與日月
天衆阿修羅解脫自在通力揮諸三昧
滅及如意足菩提分及道禪定與元量
諸蘊及往來乃至滅盡定心生起言說
心意識無我五法及自性分別所分別
能所二種見諸乘種種性處金摩尼真珠
一闍提大種荒亂及一佛智所智教得
衆生有元有爲馬獸何因云何而捕取
云何因辟舍相應成悉檀所作及能作
衆林與迷惑如是真實理唯心無境界
諸地無次第无相轉所依譬方工巧論
伎術諸明處須弥諸山地巨海日月量
上中下衆生身各微塵一一刹微塵

一一弓幾肘幾弓但虛舍半田旬田旬
充毫與彈遊纖羊毛積麦半升與一升
是各幾穰麦一斛及十斛十萬暨千億
乃至頻婆羅是等各幾數幾塵成芥子
幾芥成草子復以幾草子而成於一豆
幾豆成一鉢幾鉢成一兩幾兩成一斤
幾斤成須弥此等所應請何因問餘事
聲聞辟支佛諸佛及佛子如是等身量
各有幾微塵火風各幾塵一一根有幾
眉及諸毛孔復各幾塵成如是等諸事
云何不問我云何得財富云何轉輪王
云何王守護云何得解脫云何長行句
姪欲及飲食云何男女林金剛等諸山
幻夢渴愛辟諸雲從何起時節云何有
何因種種味女男及不男佛菩薩嚴飾
云何諸妙山仙闍婆王嚴解脫至何所
誰縛誰解脫云何淨境界變化及外道
云何無因作云何有因作云何轉諸見
云何起計度云何淨計度所作云何起
云何而轉去云何斷諸想云何起三昧
破三有者誰何處身云何云何无有我
云何隨俗說汝問相云何及所問非我
云何為胎藏及以餘支分云何斷常見

云何心一境云何言說智戒種性佛子
云何攝理釋云何師弟子衆生種性別
飲食及虛空聰明魔施設云何樹行布
是汝之所問何因一切刹種種相不同
或有如莖葉骨鼓及衆花或有離光明
仙人長苦行或有好族姓令衆生尊重
或有體卑陋為人所輕賤云何欲界中
修行不成佛而於色究竟乃昇等正覺
云何世間人而能獲神通何因稱比丘
何故名僧伽云何化及報真如智慧佛
云何使其心得住七地中此及於餘義
汝今咸問我如先佛所說一百八種句
一一相相應遠離諸見過亦難於世俗
言語所成法我當為汝說佛子應聽受
今時大慈菩薩摩訶薩白佛言世尊
何者是一百八句佛言大慈所謂生
句非生句常句非常句相句非相句住
異句非住異句剎那句非剎那句自
性句非自性句空句非空句斷句非
斷句心句非心句中句非中句緣句
非緣句因句非因句煩惱句非煩惱
句愛句非愛句方便句非方便句善
巧句非善巧句清淨句非清淨句相

◇高麗大藏經◇

大智度論卷第三十二 第三十二

應句非相應句辭喻句非辭喻句弟
子句非弟子句師句非師句種性句
非種性句三乘句非三乘句无影像
句非無影像句願句非願句三輪句
非三輪句標相句非標相句有句非
有句無句非無句俱句非俱句自證
聖智句非自證聖智句現法樂句非
現法樂句剎句非剎句塵句非塵句
水句非水句弓句非弓句大種句非
大種句算數句非算數句神通句非
神通句虛空句非虛空句雲句非雲
句巧明句非巧明句伎術句非伎術
句風句非風句地句非地句心句非
心句假立句非假立句體性句非體
性句蘊句非蘊句衆生句非衆生句
覺句非覺句涅槃句非涅槃句所知
句非所知句外道句非外道句荒亂
句非荒亂句幻句非幻句夢句非夢
句陽焰句非陽焰句影像句非影像
句火輪句非火輪句軋聞婆句非軋
聞婆句天句非天句飲食句非飲食
句婬欲句非婬欲句見句非見句波
羅蜜句非波羅蜜句戒句非戒句日

月星宿句非日月星宿句諸句非諸

句果句非果句滅句非滅句滅起句
非滅起句瞽句非瞽句相句非相句
相句支分句非支分句禪句非禪句
迷句非迷句現句非現句護句非護
句種族句非種族句仙句非仙句王
句非王句攝受句非攝受句實句非
實句記句非記句一闍提句非一闍
提句女男不男句非女男不男句味
句非味句作句非作句身句非身句
計度句非計度句動句非動句根句
非根句有為句非有為句因果句非
因果句色究竟句非色究竟句時節
句非時節句樹藤句非樹藤句種種
句非種種句演說句非演說句決定
句非決定句毗尼句非毗尼句比丘
句非比丘句住持句非住持句文字
句非文字句大慧此百八句皆是過
去諸佛所說二正別中少
余時大慈菩薩摩訶薩復白佛言世
尊諸識有幾種生住滅佛言大慧諸
識有二種生住滅非臆度者之所能
知所謂相續生及相生相續住及相

大智度論卷第三十二 第三十二

住相續滅及相滅諸識有三相謂轉
相業相真相大慧識廣說有八略則
唯二謂現識及分別事識大慧如明
鏡中現諸色像現識亦亦大慧現識
與分別事識此二識無異相乎為因
大慧現識以不思議熏變為因分別
事識以分別境界及無始戲論習氣
為因大慧阿賴耶識虛妄分別種種
習氣滅即一切根識滅是名相滅大
慧相續滅者謂所依因滅及所緣滅
即相續滅所依因者謂無始戲論虛
妄習氣所緣者謂自心所見分別境
界大慧譬如泥團與微塵非異非不
異金與莊嚴具亦如是大慧若泥團
與微塵異者應非彼成而實彼成是
故不異若不異者泥團微塵應无分
別大慧轉識藏識若異者藏識非彼
因若不異者轉識藏識亦應滅然
彼真相不滅大慧識真相不滅但業
相滅若真相滅者藏識應滅若藏識
滅者即不異外道斷滅論大慧彼諸
外道作如是說取境界相續識滅即
無始相續識滅大慧彼諸外道說相

續識從作者生不說眼識依色光明和合而生唯說作者為生因故作者是何彼計勝性丈夫自在時及微塵為能作者復次大慧有七種自性所謂集自性自性相自性大種自性因自性緣自性成自性復次大慧有七種第一義所謂心所行智所行二見所行超二見所行超子地所行如來所行如來自證聖智所行大慧此是過去未來現在一切如來應正等覺法自性第一義心以此心成就如來世間出世間家上法以聖慧眼入自共相種種安立其所安立不與外道惡見共大慧云何為外道惡見謂不知境界自分別現於自性第一義見有見無而起言說大慧我今當說若了境如幻自心所現則滅妄想三有苦及无知愛業緣大慧有諸沙門婆羅門妄計非有及有於因果外顯現諸物依時而住或計蘊界處依緣生住有已即滅大慧彼於若相續若作用若生若滅若諸有若涅槃若道若業若果若諦是破壞斷滅論何以

故不得現法故不見根本故大慧譬如瓶破不作瓶事又如焦種不能生乎此亦如是若蘊界處法已現當滅應知此則無相續生以無因故但是自心虛妄所見復次大慧若本無有識三緣合生龜應生毛沙應出油汝宗則壞遠決定義所作事業悉空無益大慧三合為緣是因果性可說為有過現未來從無生有此依住覺想地者所有理教及自思見熏習餘氣作如是說大慧愚癡凡夫惡見所噬邪見迷醉無智妄稱一切智說大慧復有沙門婆羅門觀一切法皆無自性如空中雲如旋火輪如乳闍婆城如幻如焰如水中月如夢所見不離自心由無始來虛妄見故取以為外作是觀已斷分別緣亦離妄心所取名義知身及物并所住處一切皆是藏識境界無能所取及生住滅如是思惟恒住不捨大慧此菩薩摩訶薩不久當得生死涅槃二種平等大悲方便無功用行觀衆生如幻如影從緣而起知一切境界離心無得行無相

道漸昇諸地住三昧境了達三界皆唯自心得如幻定絕衆影像成就智慧證無生法入金剛喻三昧當得佛身恒住如如起諸變化力通自在大慧方便以為嚴飾遊衆佛國離諸外道及心意識轉依次第成如來身大慧菩薩摩訶薩欲得佛身應當遠離蘊界處心因緣所作生住滅法戲論分別但住心量觀察三有元始時來妄習所起思惟佛地无相無生自證聖法得心自在無功用行如如意寶隨現現身今達唯心漸入諸地是故大慧菩薩摩訶薩於自志趣應善修學大乘入楞伽經卷第一

癸卯歲高麗國大蔭都監奉
勅彫造

大乘入楞伽經卷第二

疏

集一切法品第二之二

大周千闍國三藏法師實叉難陀奉勅譯

尔時大慧菩薩摩訶薩復白佛言世尊唯願為我說心意意識五法自性相衆妙法門此是一切諸佛菩薩入自心境離所行相稱真實義諸佛教心唯願如來為此山中諸菩薩衆隨順過去諸佛演說藏識海浪花身境界尔時世尊告大慧菩薩摩訶薩言有四種因緣眼識轉何等為四所謂不覺自心現而執取故無始時來取著於色虛妄習氣故識本性如是故樂見種種諸色相故大慧以此四緣阿賴耶識如瀑流水生轉識浪如眼識餘亦如是於一切諸根微塵毛孔眼等轉識或頻生譬如明鏡現衆色像或漸生猶如猛風吹大海水心海亦尔境界風吹起諸識浪相續不絕大慧因所作相非一非異業與生相相繫深縛不能了知色等自性五識身轉大慧與五識俱或因了別差別境相

大乘入楞伽經卷第二 內二張

疏

有意識生然彼諸識不作是念我等同時展轉為因而於自心所現境界分別執著俱時而起元差別相各了自境大慧諸修行者入於三昧以習力微起而不覺知但作是念我滅諸識入於三昧實不滅識而入三昧以彼不滅習氣種故但不取諸境名為識滅大慧如是藏識行相微細唯除諸佛及住地菩薩其餘一切二乘外道定慧之力皆不能知唯有修行如實行者以智慧力了諸地相善達句義無邊佛所廣集善根不妄分別自心所見能知之耳大慧諸修行入宴處山林上中下修能見自心分別流注得諸三昧自在力通諸佛灌頂菩薩圍繞知心意意識所行境界超受業無明生死大海是故汝等應當親近諸佛菩薩如實修行大善知識尔時世尊重說頌言
譬如巨海浪 斯由猛風起 洪波鼓溟壑 無有斷絕時 藏識海常住 境界風所動 種種諸識浪 騰躍而轉生 青赤等諸色 鹽乳石蜜花果日月光 非異非不異

大乘入楞伽經卷第二 第三張

疏

意等七種識 應知亦如是 如海共波浪 心俱和合生 譬如海水動 種種波浪轉 藏識亦如是 種種諸識生 心意及意識 為諸相故說 八識無別相 元能相所相 譬如海波浪 是則無差別 諸識心如是 異亦不可得 心能積集業 意能廣積集 了別故名識 對現境說五
尔時大慧菩薩摩訶薩以頌問曰
青赤諸色像 衆生識顯現 如浪種種法 云何願佛說
尔時世尊以頌答曰
青赤諸色像 浪中不可得 言心起衆相 開悟諸凡夫 而彼本無起 自心所取離 能取及所取 與彼波浪同 身資財安住 衆生識所現 是故見此起 與浪元差別
尔時大慧復說頌言
大海波浪性 鼓躍可分別 藏識如是起 何故不覺知
尔時世尊以頌答曰
阿賴耶如海 轉識同波浪 為凡夫無智 譬喻廣開演
尔時大慧復說頌言
譬如日光出 上下等皆照 世間燈亦然

大乘入楞伽經卷第二 第四品 跋闍婆

應為愚說實已能開示法何不顯真實

今時世尊以頌答曰
若說真實者彼心元真實 譬如海波浪
鏡中像及夢 俱時而顯現 心境界亦然
境界不異故 次第而轉生 識以能了知
意復意謂然 五識了現境 无有定次第
譬如工畫師 及畫師弟子 布彩圖眾像
我說亦如是 彩色中無文 非筆亦非素
為悅眾生故 綺煥成眾像 言說則變異
真實離文字 我所住實法 為諸修行說
真實自證處 能所分別離 此為佛子說
愚夫別開演 種種皆如幻 所見不可得
如是種種說 隨事而變異 所說非所應
於彼為非說 譬如病人 良醫隨授藥
如來為眾生 隨心應量說 世間依怙者
證智所行處 外道非境界 聲聞亦復然
復次大慧菩薩摩訶薩 若欲了知能
取所取分別境界 皆是自心之所現
者 當離情關昏瞢 睡眠初中後夜 勤
加修習 遠離曾聞外道邪論 及二乘
法 通達自心分別之相

復次大慧菩薩摩訶薩 住智慧心 所
住相已於上聖智三相當 勤修學何

大乘入楞伽經卷第二 第五品 跋闍婆

者為三所謂無影像相 一切諸佛 願
持相自證聖智 所趣相 諸修行者 獲
此相已 即捨跋闍智 慧心相入菩薩
第八地 於此三相 修行不捨大慧元
影像相者 謂由慣習 一切二乘外道
相故 而得生起 一切諸佛 願持相者
謂由諸佛 自本願力 所加持故 而得
生起 自證聖智 所趣相者 謂由不取
一切法 相成就 如幻 諸三昧身 起佛
地智故 而得生起 大慧是名 上聖智
三種相 若得此相 即到自證聖智 所
行之處 汝及諸菩薩摩訶薩 應勤修學
今時大慧菩薩摩訶薩 知諸菩薩心
之所念 承一切佛威神之力 白佛言
唯願為說 百八句 差別所依 聖智事
目性法門 一切如來 應正等覺 為諸
菩薩摩訶薩 隨自共相者 說此妄計
性差別義 門知此義 已則能淨治 二
無我觀境 照明諸地 起越一切二乘
外道三昧之樂 見諸如來 不可思議
所行境界 畢竟捨離 五法自性 以二
切佛法 身智慧 而自在 嚴入如幻境
住一切剎 兜率 陀宮 色究竟 天成 如

大乘入楞伽經卷第二 第六品 跋闍婆

來身佛言 大慧 有一類外道 見一切
法 隨因而盡 生分別解 想免無角 起
於無見 如免角 無一切諸法 悉亦如
是 復有外道 見大種 求鄰塵等 諸物
分量 分位 各差別 已執免無角 於此
而生 牛有角 想大慧 彼墮二見 不了
唯心 但於自心 增長分別 大慧 身及
資生器世間等 一切皆唯分別 所現
大慧 應知 免角 離於有無 諸法 悉然 勿
生分別 云何 免角 離於有無 于因待
故 分指 牛角 乃至 微塵 求其體相 終
不可得 聖智 所行 遠離 彼見 是故 於
此 不應 分別

今時大慧菩薩摩訶薩 復白佛言 世
尊 彼豈不以妄見 起相比度 觀待 妄
計 無耶 佛言 不以分別 起相待 以言
無何 以故 彼以分別 為生因 故以角分
別 為其所依 所依 為因 離異 不異 非由
相待 顯免角 元大慧 若此分別 異免角
者 則非 免角 因 若不異者 因 彼而起 大
慧 分指 牛角 乃至 極微 求不可得 異
於有角 言無角 者 如是 分別 決定 非理
二俱 非有 誰待 於誰 若相待 不成 待 於

大衆入持經卷第三 第七段 藏
有故言免角無不應分別不正因故
有無論者執有執無二俱不成大慧
復有外道見色形狀虛空分齊而生
執者言色異虛空起於分別大慧虛
空是色隨入色種大慧色是虛空能
持所持建立性故色空分齊應如是
知大慧大種生時自相各別不住虛
空中非彼無虛空大慧免角亦余觀
待牛角言彼角元大慧分指牛角乃
至微塵又指彼塵其相不現彼何所
待而言無耶若待餘物彼亦如是大
慧汝應遠離免角牛角虛空及色所
有分別汝及諸菩薩摩訶薩應常觀
察自心所見分別之相於一切國土
為諸佛子說觀察自心修行之法今
時世尊即說頌言
心所見无有 唯依心故起 身實所住影
衆生藏識現 心意及典識 自性五種法
二無我清淨 諸導師演說 長短共觀待
展轉互相生 因有故成無 因无故成有
微塵分指事 不起色分別 唯心所安立
惡見者不信 外道非行處 聲聞亦復然
救世之所說 自證之境界

大衆入持經卷第三 第八段 藏
今時大慧菩薩摩訶薩為淨心現流
故而請佛言世尊云何淨諸衆生自
心現流為漸次淨為頓淨耶佛言大
慧漸淨非頓如荖羅果漸熟非頓諸
佛如來淨諸衆生自心現流亦復如
是漸淨非頓如陶師造器漸成非頓
諸佛如來淨諸衆生自心現流亦復
如是漸而非頓譬如大地生諸草木
漸生非頓諸佛如來淨諸衆生自心
現流亦復如是漸而非頓大慧譬如
人學音樂書畫種種伎術漸成非頓
諸佛如來淨諸衆生自心現流亦復
如是漸而非頓譬如明鏡現衆像
而無分別諸佛如來淨諸衆生自心
現流亦復如是頓現一切無相境界
而無分別如日月輪一時遍照一切
色像諸佛如來淨諸衆生自心過習
亦復如是頓為示現不可思議諸佛
如來智慧境界譬如藏識頓現於身
及資生國土一切境界報佛亦於
色究竟天頓能成熟一切衆生令修
諸行譬如法佛頓現報佛及以化佛
光明照耀自證聖境亦復如是頓現

大衆入持經卷第三 第九段 藏
法相而為照曜令離一切有无惡見
復次大慧法性所流佛說一切法自
相共相自心現習氣因相妄計性所
執因相更相繫屬種種幻事皆無自
性而諸衆生種種執著取以為實恣
不可得復次大慧妄計自性執著緣
起自性起大慧譬如幻師以幻術力
依草木瓦石幻作衆生若干色像令
其見者種種分別皆無真實大慧此
亦如是由取著境界習氣力故於緣
起性中有妄計性種種相現是名妄
計性生大慧是名法性所流佛說法
相大慧法性佛者建立自證智所行
離心自性相大慧化佛說施戒忍進
禪定智慧慈惠界處法及諸解脫諸識
行相建立差別越外道見超無色行
復次大慧法性佛非所攀緣一切所
緣一切所作相根量等相悉皆遠離
非凡夫二乘及諸外道執著我相而
取境界是故大慧於自證聖智勝境
界相當勤修學於自心所現分別見
相當速捨離復次大慧聲聞乘有二
種差別相所謂自證聖智殊勝相分

別執著自性相云何自證聖智殊勝
相謂明見苦空无常無我諸諦境界
離欲寂滅故於諸界處若自若共外
不壞相如實了知故心住一境住一
境已獲解脫三昧道果而得出離
住自證聖智境界樂未離習氣及不
思議變易死是名聲聞乘自證聖智
境界相菩薩摩訶薩亦得此聖智
境界以憐愍衆生故本願所持故不
證寂滅門及三昧樂諸菩薩摩訶薩
於此自證聖智樂中不應修學大慧
云何分別執著自性相所謂知堅濕
煖動青黃赤白如是等法非作者生
然依教理見自共相分別執著是名
聲聞乘分別執著相菩薩摩訶薩於
此法中應知應捨離人无我見入法
無我相漸住諸地
今時大慧菩薩摩訶薩白佛言世尊
如來所說常不思議自證聖智第一
義境將无同諸外道所說常不思議
作者耶佛言大慧非諸外道作者得
常不思議所以者何諸外道常不思議
因自相不成既因自相不成以何顯示

常不思議大慧外道所說常不思議若
因自相成彼則有常但以作者為因
相故常不思議不成大慧我第一義
常不思議第一義因相成遠離有無
自證聖智所行相故有相第一義智
為其因故有因離有無故非作者如
虛空涅槃寂滅法故常不思議是故
我說常不思議不同外道所有評論
大慧此常不思議是諸如來自證聖
智所行真理是故菩薩當勤修學復
次大慧外道常不思議以無常異相
因故常非自相因力故常大慧外道
常不思議以見所作法有已還无無
常已比知是常我亦見所作法有已
還无无常已不因此說為常大慧外
道以如是因相成常不思議此因相
非有同於兔角故常不思議准是分
別但有言說何故彼因同於兔角無
自因相故大慧我常不思議以自證
為因相不以外法有已還无無常為因
外道反此曾不能知常不思議自因
之相而恒在於自證聖智所行相外
此不應說

復次大慧諸如聞畏生死妄想苦而
求涅槃不知生死涅槃差別之相一
切皆是妄分別有無所有故妄計未
來諸根境滅以為涅槃不知證自智
境界轉所依藏識為大涅槃彼愚癡
人說有三乘不說唯心无有境界大
慧彼人不知去來現在諸佛所說自
心境界取心外境常於生死輪轉不
絕復次大慧去來現在諸如來說一
切法不生何以故自心所見非有性
故離有無生故如兔馬等角凡愚妄
取唯自證聖智所行之處非諸愚夫
二分別境大慧身及資生器世間等
一切皆是藏識影像所取能取二種
相現彼諸愚夫墮生住滅二見中故
於中妄起有無分別大慧汝於此義
當勤修學
復次大慧有五種種性何等為五謂
聲聞乘種性緣覺乘種性如來乘種
性不定種性無種性大慧云何知是
聲聞乘種性謂若聞說於諸界處自
相共相若知若證舉身毛豎心樂修
習於緣起相不樂觀察應知此是聲

大乘入楞伽經卷第三 第十四

跋

開乘種性彼於自乘見所證已於五
六地斷煩惱結不斷煩惱習住不思
議死正師子孔言我生已盡梵行已
立所作已辦不受後有修習人無我
乃至生於得涅槃覺大慧復有衆生
求證涅槃言能覺知我人衆生養者
取者此是涅槃復有說言見一切法
因作者有此是涅槃大慧彼无解脫
以未能見法無我故此是聲聞乘及
外道種性於未出中生起離想應勤
修習捨此惡見大慧云何知是緣覺
乘種性謂若聞說緣覺乘法舉身毛
豎悲泣流淚離情開緣無所染著有
時聞說現種身或聚或散神通變
化其心信受无所違逆當知此是緣
覺乘種性應為其說緣覺乘法大慧
如來乘種性所證法有三種所謂自
性無自性法內身自證聖智法外諸
佛刹廣大法大慧若有聞說此一一
法及自心所現身財建立阿賴耶識
不思議境不驚不怖不畏當知此是
如來乘性大慧不定種性者謂聞說
彼三種法時隨生信解而順修學大

大乘入楞伽經卷第三 第十四

跋

慧為初治地人而說種性欲令其入
無影像地作此建立大慧彼住三昧
樂聲聞若能證知自所依識見法無
我淨煩惱習畢竟當得如來之身今
時世尊即說頌言
預流一來果不還阿羅漢是等諸聖人
其心悉迷惑我所立三乘一乘及非乘
為愚夫少智樂寂諸聖說第一義法門
遠離於二取住於无境界何建立三乘
諸禪及無量无色三摩提乃至滅受想
唯心不可得
復次大慧此中一闡提何故於解脫
中不生欲樂大慧以捨一切善根故
為无始衆生起願故云何捨一切善
根謂謗菩薩藏言此非隨順契經調
伏解脫之說作是語時善根悉斷不入
涅槃云何為無始衆生起願謂諸菩
薩以本願方便願一切衆生悉入涅槃
若一衆生未涅槃者我終不入此亦
住一闡提趣此是无涅槃種性相大
慧菩薩言世尊此中何者畢竟不入
涅槃佛言大慧彼菩薩一闡提如一
切法本來涅槃畢竟不入非捨善根

大乘入楞伽經卷第三 第十五

跋

何以故捨善根一闡提以佛威力故
或時善根生所以者何佛於一切衆
生無捨時故是故菩薩一闡提不入
涅槃
復次大慧菩薩摩訶薩當善知三自
性相何者為三所謂妄計自性緣起
自性圓成自性大慧妄計自性從相
生云何從相生謂彼依緣起事相種
類顯現生計著故大慧彼計著事相
有二種妄計性生是諸如來之所演
說謂名相計著事相計著相大慧
事計著相者謂計著内外法相計著
相者謂即彼内外法中計著自共相
是名二種妄計自性相大慧從所依
所緣起是緣起性何者圓成自性謂
離名相事相一切分別自證聖智所
行真如大慧此是圓成自性如來藏
心今時世尊即說頌言
名相分別 二自性相 正智真如
是圓成性
大慧是名觀察五法自性相法門自
證聖智而行境界及諸菩薩摩訶
薩當勤修學復次大慧菩薩摩訶薩

當善觀察二無我相何者為二所謂人無我相法無我相大慧何者是人無我相謂蘊界處離我我所不知愛業之所生起眼等識生取於色等而生計著又自心所見身器世間皆是藏心之所顯現剎那相續變壞不停如河流如種子如燈焰如迅風如浮雲躁動不安如猿猴樂不淨處如飛繩不知臥足如猛火無始虛偽冒氣為因諸有越中流轉不息如汲水輪種種色身威儀進止辟如死屍呪力故行亦如木人因機運動若能於此善知其相是名人無我智大慧云何為法無我智謂知蘊界處是妄計性如蘊界處離我我所唯共積聚受業繩縛生為緣起無能作者蘊等亦不離自共相虛妄分別種種相現愚夫分別非諸聖者如是觀察一切諸法離心意意識五法自性是名菩薩摩訶薩法無我智得此智已知无境界了諸地相即入初地心生歡喜次第漸進乃至善慧及以法雲諸有所作皆悉已辦住是地已有大寶蓮花王

眾寶莊嚴於其花上有寶宮殿狀如蓮花菩薩修幻性法門之所成就而坐其上同行佛子前後圍繞一切佛剎所有如來皆舒其手如轉輪王子灌頂之法而灌其頂超佛子地獲自證法成就如來自法身大慧是名見法無我相汝及諸菩薩摩訶薩應勤修學

今時大慧菩薩摩訶薩復白佛言世尊願說建立誹謗相今我及諸菩薩摩訶薩離此惡見疾得阿耨多羅三藐三菩提得菩提已破建立常誹謗斷見今於正法不生毀謗佛受其請即說頌言

身資財所住皆唯心影像凡愚不能了起建立誹謗所起但是心離心不可得今時世尊欲重說此義告大慧言有四種無有有建立何者為四所謂无有相建立相無有見建立見无有因建立因無有性建立性是為四大慧誹謗者謂於諸惡見所建立法求不可得不善觀察遂生誹謗此是建立誹謗相大慧云何無有相建立相謂於蘊

界處自相共相本無所有而生計著此如是不異而此分別從无始種種惡習所生是名無有相建立相云何無有見建立見謂於蘊界處建立我人眾生等見是名无有見建立見云何無有因建立因謂初識前無因不生其初識本无後眼色明念等為因如幻生已有有還滅是名無有因建立因云何无有性建立性謂於虛空涅槃非數滅無作性執者建立大慧此離性非性一切諸法離於有無猶如毛輪兔馬等角是名无有性建立性大慧建立誹謗皆是凡愚不了唯心而生分別非諸聖者是故汝等當勤觀察遠離此見大慧菩薩摩訶薩善知心意意識五法自性二无我相已為眾生故作種種身如依緣起起妄計性亦如摩尼隨心現色譬如佛會聽聞佛說諸法如幻如夢如影如鏡中像如水中月遠離生滅及以斷常不住聲聞辟支佛道間已成就无量百千億那由他三昧得此三昧已遍遊一切諸佛國土供養諸佛

大衆入楞伽經卷第二 第三十頌
生諸天上顯揚三寶示現佛身為諸

聲聞菩薩大衆說外境界皆唯是心
悉令遠離有無等執今時世尊即說
頌言

佛子能觀見世間唯是心示現種種身
所作無障導神通力自在一切皆成就
今時大慧菩薩摩訶薩復請佛言願
為我說一切法空無生无二無自性
相我及諸菩薩悟此相故離有元分
別疾得阿耨多羅三藐三菩提佛言
諦聽當為汝說大慧空者即是妄計
性句義大慧為執著妄計自性故說
空无生無二无自性大慧略說空性
有七種謂相空自性空無行空行空
一切法不可說空第一義聖智大空
彼彼空云何相空謂一切法自相共
相空展轉積聚手相待故分拊推求
無所有故自他及共皆不生故自共相
無生亦无住是故名一切法自相空
云何自性空謂一切法自性不生是
名自性空云何無行空所謂諸蘊本
來涅槃无有諸行是名無行空云何
行空所謂諸蘊由業及因和合而起

大衆入楞伽經卷第二 第三十一頌
離我我所是名行空云何一切法不

可說空謂一切法妄計自性无可言
說是名不可說空云何第一義聖智
大空謂得自證聖智時一切諸見過
習悉離是名第一義聖智大空云何

彼彼空謂於此無彼是名彼彼空譬如
鹿子母堂無鳥馬牛羊等我說彼堂
空非无比丘眾大慧非謂堂无堂自
性非謂比丘無比丘自性非謂餘處
無鳥馬牛羊大慧一切諸法自相共
相彼彼求不可得是故說名彼彼空是
名七種空大慧此彼彼空空中空寂
汝應遠離

復次大慧無生者自體不生而非不
生除住三昧是名無生大慧无自性
者以無生故密意而說大慧一切法
無自性以剎那不住故見後變異故
是名無自性云何无二相大慧如光
影如長短如黑白皆相待立獨則不
成大慧非於生死外有涅槃非於涅
槃外有生生死死涅槃无相違相如
生死涅槃一切法亦如是是名無二
相大慧空無生无二無自性相汝當

大衆入楞伽經卷第二 第三十二頌
勤學今時世尊重說頌言

我常說空法遠離於斷常生死如幻夢
而著亦不壞虛空及涅槃滅二亦如是
愚夫妄分別諸聖離有無

今時世尊復告大慧菩薩摩訶薩言
大慧此空無生无自性无二相悉入
一切諸佛所說修多羅中佛所說經
皆有是義大慧諸修多羅隨順一切
衆生心說而非真實在於言中譬如
陽焰詭惑諸獸令生水想而實無水
衆經所說亦復如是隨諸愚夫自所
分別令生歡喜非皆顯亦聖智證處
真實之法大慧應隨順義莫著言說
今時大慧菩薩摩訶薩白佛言世尊
修多羅中說如來藏本性清淨常恒
不斷無有變易具三十二相在於一
切衆生身中為蘊界處垢衣所纏貪
恚癡等妄分別垢之所汙染如無價
寶在垢衣中外道說我是常作者離
於求那自在无滅世尊所說如來藏
義豈不同於外道我耶佛言大慧我
說如來藏不同外道所說之我大慧
如來應正等覺以性空實際涅槃不生

無相無願等諸句義說如來藏為令
愚夫離無我怖說无分別無影像處
如來藏門未現在諸菩薩摩訶薩
不應於此執著於我大慧譬如陶師
於泥聚中以人切水杖輪繩方便作
種種器如來亦於遠離一切分別
相無我法中以種種智慧方便善巧
或說如來藏或說為無我種種名字
各各差別大慧我說如來藏為攝著
我諸外道眾令離妄見入三解脱速
得證於阿耨多羅三藐三菩提是故
諸佛說如來藏不同外道所說之我
若欲離於外道見者應知無我如來
藏義今時世尊即說頌曰
士夫相續蘊 眾緣及微塵 勝自在作者
此但心分別
今時大慧菩薩普觀未來一切眾生
復請佛言願為我說具修行法如諸
菩薩摩訶薩成大修行佛言大慧菩
薩摩訶薩具四種法成大修行何者
為四謂觀察自心所現故遠離生住
滅見故善知外法無性故專求自證
聖智故若諸菩薩成此四法則得名

為大修行者大慧云何觀察自心所
現謂觀三界唯是自心離我我所元
動作無來去元始執著過習所熏三
界種種色行名言繫縛身資所住分
別隨入之所顯現菩薩摩訶薩如是
觀察自心所現大慧云何得離生住
滅見所謂觀一切法如幻夢生自他
及俱皆不生故隨自心量之所現故
見外物無有故見諸識不起故及眾
緣無積故分別因緣起三界故如是
觀時若內若外一切諸法皆不可得
知無體實遠離生見證如幻性即時
速得無生法忍住第八地了心意意
識五法自性二無我境轉所依止獲
意生身大慧言世尊以何因緣名意
生身佛言大慧意生身者譬如意去
速疾無尋名意生身大慧譬如心意
於無量百千由旬之外憶先所見種種
諸物念念相續疾詣於彼非是其身
及山河石壁所能為尋意生身者亦
復如是如幻三昧力通自在諸相莊
嚴憶本成就眾生願故猶如意去生
於一切諸聖眾中是名菩薩摩訶薩

得遠離於生住滅見大慧云何觀察
外法無性謂觀察一切法如陽焰如
夢境如毛輪無始戲論種種執著虛
妄惡習為其因故如是觀察一切法
時即是專求自證聖智大慧是名菩
薩具四種法成大修行汝應如是勤
加修學
今時大慧菩薩摩訶薩復請佛言願
說一切法因緣相今我及諸菩薩摩
訶薩了達其義離有無見不妄執諸
法漸生頓生佛言大慧一切法因緣
生有二種謂內及外外者謂以泥團
水杖輪繩人切等緣和合成瓶如泥
瓶縷疊草席種子酪蘇悉亦是名
外緣前後轉生內者謂無明愛業等
生蘊界處法是為內緣起此但愚夫
之所分別大慧因有六種謂當有因
相屬因相因能作因顯了因觀待因
大慧當有因者謂內外法作因生果
相屬因者謂內外法作緣生果蘊種
子等相因者作無聞相生相續果能
作因者謂作增上而生於果如轉輪
王顯了因者謂分別生能顯境相如

◇高麗大藏經◇

大乘入楞伽經卷第三 第三十五 疏

燈照物觀待因者謂滅時相續斷無妄想生大慧此是愚夫自所分別非漸次生亦非頓生何以故大慧若頓生者則作與所作無有差別求其目相不可得故若漸生者求其體相亦不可得如未生子云何名父諸計度人言以因緣所緣緣無間緣增上緣等所生能生手相繫屬次第生者理不得成皆是妄情執著相故大慧漸次與頓皆不生但有心現身資等故外自共相皆無性故惟除識起自分別見大慧是故應離因緣所作和合相中漸頓生見今時世尊重說頌言一切法無生亦復無有滅於彼諸緣中分別生滅相非遮諸緣會如是滅復生但止於凡愚妄情之所著緣中法有無是悉無有生習氣迷轉心從是三有現本來無有生亦復無有滅觀一切有為譬如虛空花離能取所取一切迷惑見無能生所生亦復無因緣但隨世俗故而說有生滅

大乘入楞伽經卷第二

癸卯歲高麗國大藏都監奉勅彫造

大乘入楞伽經卷第三

大周子關國三藏法師實叉難陀奉勅譯

集一切法品第二之三

今時大慧菩薩摩訶薩復白佛言世尊願為我說言說分別相心法門我及諸菩薩摩訶薩善知此故通達能說所說二義疾得阿耨多羅三藐三菩提今一切衆生於二義中而得清淨佛言大慧有四種言說分別相所謂相言說夢言說計著過惡言說無始妄想言說大慧相言說者所謂執著自分分別色相生夢言說者謂夢先所經境界覺已憶念依不實境生計著過惡言說者謂憶念怨憐先所作業生無始妄想言說者以元始戲論妄執習氣生是為四大慧復言世尊願更為說言語分別所行之相何處何因云何而起佛言大慧依頭臂喉鼻唇齒舌和合而起大慧復言世尊言語分別為異不異佛言大慧非異非不異何以故分別為因起言語故若異者分別不應為因若不異者語

大乘入楞伽經卷第三 第三十六 疏

言不應顯義是故非異亦非不異大慧復言世尊為言語是第一義為所說是第一義佛告大慧非言語是亦非所說何以故第一義者是聖樂處因言而入非即是言第一義者是聖智內自證境非言語分別智境言語分別不能顯亦大慧言語者起滅動搖長轉因緣生若展轉緣生於第一義不能顯亦第一義者無自他相言語有相不能顯亦第一義者但唯自心種種外想悉皆無有言語分別不能顯亦是故大慧應當遠離語言語分別今時世尊重說頌言

諸法無自性亦復無言說不見空空義愚夫故流轉一切法無性離語言分別諸有如夢化非生死涅槃如王及長者為令諸子喜先亦相似物後賜真實者我今亦復然先說相似法後乃為其演自證實際法

今時大慧菩薩摩訶薩復白佛言世尊願為我說離一異俱不俱有無非有無常无常等一切外道所不能行自證聖智所行境界遠離妄計自相

共相入於真實第一義境漸淨諸地
 入如來位以無功用本願力故如如
 意實普現一切無邊境界一切諸法
 皆是自心所見差別令我及餘諸菩
 薩等於如是等法難妄計自性自共
 相見速證阿耨多羅三藐三菩提普
 令衆生具足圓滿一切功德佛言大
 慧善哉善哉汝哀愍世間諸我此義
 多所利益多所安樂大慧凡夫無智
 不知心量妄習為因執著外物分別
 一異俱不俱有無非有無常無常等
 一切自性大慧譬如群獸為渴所逼
 於熱時焰而生水想迷惑馳趣不知
 非水愚癡凡夫亦復如是無始戲論
 分別所熏三毒燒心樂色境界見生
 住滅取內外法墮一異等執著之中
 大慧如乾闥婆城非城非非城無智
 之人無始時來執著城種妄習熏故
 而作城想外道亦亦以無始來妄習
 熏故不能了達自心所現者一異等
 種種言說大慧譬如有人夢見男女
 為馬車步城邑園林種種嚴飾覺已
 憶念彼不實事大慧汝意云何如是

之人是點慧不答言不也大慧外道
 亦亦愚見所窒不了唯心執著一異
 有無等見大慧譬如畫像無高元下
 愚夫妄見作高下想未來外道亦復
 如是愚見熏習妄心增長執一異等
 自壞壞他於難有無無生之論亦說
 為無此謗因果拔善根本應知此人
 分別有無起自他見當墮地獄欲求
 勝法宜速遠離大慧譬如翳目見有
 毛輪手相謂言此事希有而此毛輪
 非有非無見不見故外道亦亦愚見
 分別執著一異俱不俱等誹謗正法
 自陷陷他大慧譬如火輪實非是輪
 愚夫取著非諸智者外道亦亦愚見樂
 欲執著一異俱不俱等一切法生大慧
 譬如水泡似玻璃珠愚夫執實奔馳而
 取然彼水泡非珠非非珠取不取故外
 道亦亦愚見分別習氣所熏說非有為
 生壞於緣有復次大慧立三種量已
 於聖智內證離二自性法起有性分
 別大慧諸修行者轉心意識離能所
 取住如來地自證聖法於有及元不
 起於想大慧諸修行者若於境界起

有無執則著我人衆生壽者大慧一
 切諸法自相共相是化佛說非法佛
 說大慧化佛說法但順愚夫所起之
 見不為顯亦自證聖智三昧樂境大
 慧譬如水中有樹影現彼非影非非
 影非樹形非非樹形外道亦亦諸見
 所熏不了自心於一異等而生分別
 大慧譬如明鏡無有分別隨順衆緣
 現諸色像彼非像非非像而見像非
 像愚夫分別而作像想外道亦亦於
 自心所現種種形像而執一異俱不俱
 相大慧譬如合響係於風水人等音聲
 和合而起彼非有非無以聞聲非聲
 故外道亦亦自心分別熏習力故起於
 一異俱不俱見大慧譬如大地無草木
 覆日光照觸焰水波動彼非有非無
 以倒想非想故愚癡凡夫亦復如是
 無始戲論愚習所熏於聖智自證法
 性門中見生住滅一異有無俱不俱
 性大慧譬如夫人及以起死以毗舍
 闍機關力故動搖運轉云為不絕無
 智之人取以為實愚癡凡夫亦復如
 是隨逐外道起諸愚見著一異等虛

大乘入楞伽經卷第三 第六頌

妄言說是故大慧當於聖智所證法
中離生住滅一異有無俱不俱等一
切分別亦時世尊重說頌言

諸識蘊有五猶如水樹影所見如幻夢
不應妄分別三有如陽焰幻夢及毛輪
若能如是觀究竟得解脫譬如熱時焰
動轉迷亂心渴飲取為水而實無水事
如是識種子動轉見境界如翳者所見
愚夫生執著無始生死中執著所緣覆
退捨令出離如自捐出捐幻呪機所作
浮雲夢電光觀世恒如是永斷三相續
此中無所有如空中陽焰如是知諸法
則為無所知諸蘊如毛輪於中妄分別
唯假施設名求相不可得如畫無緣幻
夢乳闍婆城火輪熱時焰實無而見有
如是常無常一異俱不俱無始繫縛故
愚夫妄分別明鏡水淨眼摩尼妙寶珠
於中現色像而實無所有心識亦如是
普現衆色相如夢空中焰亦如石女見
復次大慧諸佛說法離於四句謂離
一異俱不俱及有無等建立誹謗大
慧諸佛說法以諦緣起滅道解脫而
為其首非與勝性自在宿作自然時

大乘入楞伽經卷第二 第七頌

微塵等而共相應大慧諸佛說法為
淨或智二種障故次第令住一百八
句無相法中而善分別諸乘地相猶
如商主善導衆人復次大慧有四種
禪何等為四謂愚夫所行禪觀察義
禪攀緣真如禪諸如來禪大慧云何
愚夫所行禪謂聲聞緣覺諸修行者
知人無我見自他身骨鎖相連皆是
无常若不淨相如是觀察堅者不捨
漸次增勝至無想滅定是名愚夫所
行禪云何觀察義禪謂知自共相人
無我已亦離外道自他俱作於法无
我諸地相義隨順觀察是名觀察義
禪云何攀緣真如禪謂若分別無我有
二是虛妄念若如實知彼念不起是
名攀緣真如禪云何諸如來禪謂入佛
地住自證聖智三種樂為諸衆生作
不思議事是名諸如來禪亦時世尊
重說頌言

愚夫所行禪觀察義相禪攀緣真如禪
如來清淨禪修行者在定觀見日月飛
波頭摩深險虛空火及盡如是種種相
隨於外道法亦墮於聲聞辟支佛境界

大乘入楞伽經卷第三 第八頌

捨離此一切住於無所緣是則能隨入
如如真實相十方諸國土所有無量佛
慈引光明手而摩是人頂

亦時大慧菩薩摩訶薩復白佛言世
尊諸佛如來所說涅槃說何等法名
為涅槃佛告大慧一切識自性習氣
及藏識意識見習轉已我及諸佛
說名涅槃即是諸法性空境界復次
大慧涅槃者自證聖智所行境界遠
離斷常及以有無云何非常謂離自
相共相諸分別故云何非斷謂去來
現在一切聖者自證智所行故復次
大慧大般涅槃不壞不死若死者應
更受生若壞者應是有為是故涅槃
不壞不死諸修行者之所歸趣復次
大慧無捨无得故非斷非常故不一
不異故說名涅槃復次大慧聲聞緣
覺知自共相捨離憤內不生顛倒不
起分別彼於其中生涅槃想復次大
慧有二種自性相何者為二謂執著
言說自性相執著諸法自性相執著
言說自性相者以無始戲論執著言
說習氣故起執著諸法自性相者以

不覺自心所現故起復次大慧諸佛有二種加持持諸菩薩令頂禮佛足請問衆義云何為二謂令入三昧及身現其前手灌其頂大慧初地菩薩摩訶薩蒙諸佛持力故入菩薩大樂光明定入已十方諸佛普現其前身語加持如金剛藏及餘成就如是功德相菩薩摩訶薩者是大慧此菩薩摩訶薩蒙佛持力入三昧已於百千劫集諸善根漸入諸地善能通達治所治相至法雲地履大蓮花微妙宮殿坐於寶座同類菩薩所共圍繞首戴寶冠身如黃金瞻蔔花色如威滿月放大光明十方諸佛舒蓮花手於其座上而灌其頂如轉輪王太子受灌頂已而得自在此諸菩薩亦復如是是名為二諸菩薩摩訶薩為二種持之所持故即能親見一切諸佛異則不能復次大慧諸菩薩摩訶薩入於三昧現通說法如是一切皆由諸佛二種持力大慧若諸菩薩離佛加持能說法者則諸凡夫亦應能說大慧山林草樹城郭宮殿及諸樂器如來至

處以佛持力尚演法音況有心者能盲瘡痼難苦解脫大慧如來持力有如是等廣大作用大慧菩薩復自仰言何故如來以其持力令諸菩薩入於三昧及殊勝地中手灌其頂佛言大慧為欲令其遠離魔業諸煩惱故為令不墮聲聞地故為令速入如來地故令所得法倍增長故是故諸佛以加持力持諸菩薩大慧若不如是彼菩薩便墮外道及以聲聞魔境之中則不能得無上菩提是故如來以加持力攝諸菩薩令時世尊重說頌言世尊清淨願有大加持力初地十地中三昧及灌頂

今時大慧菩薩摩訶薩復白佛言世尊佛說緣起是由作起非自體起外道亦說勝性自在時我微塵生於諸法今佛世尊但以異名說作緣起非義有別世尊外道亦說以作者故從無生有世尊亦說以因緣故一切諸法本無而生生已歸滅如佛所說無明緣行乃至老死此說無因非說有因世尊說言此有故彼有若一時建

立非次第相待者其義不成是故外道說勝非如來也何以故外道說因不從終生而有所生世尊所說果待於因因復待因如是展轉成無窮過又此有故彼有者則無有因佛言大慧我了諸法唯心所現無能取所取說此有故彼有非是無因及因緣過失大慧若不了諸法唯心所現計有能取及以所取執著外境若有若無彼有是過非我所說大慧菩薩復白佛言世尊有言說故必有諸法若無諸法言依何起佛言大慧雖無諸法亦有言說豈不現見龜毛兔角石女兒等世人於中皆起言說大慧彼非有非非有而有言說耳大慧如汝所說有言說故有諸法者此論則壞大慧非一切佛土皆有言說言說者假安立耳大慧或有佛土瞪視顯法或現異相或復揚眉或動目睛或示微笑頻呻營欸憶念動搖以如是等而顯於法大慧如不瞬世界妙香世界及普賢如來佛土之中但瞪視不瞬令諸菩薩獲無生法忍及諸勝三昧大慧

非由言說而有諸法此世界中繩鐵等蟲雖無言說成自事故今時世尊重說頌言

如虛空兔角及與石女兒無而有言說妄計法如是因緣和合中愚夫妄謂生不能如實解流轉於三有

余時大慈菩薩摩訶薩復白佛言世尊所說常聲依何處說佛言大慈依妄法說以諸妄法聖人亦現然不顛倒大慈譬如陽焰火輪垂段乳闍婆城夢幻鏡像世無智者生顛倒解有智不然然非不現大慈妄法現時无量差別然非無常何以故離有元故云何離有無一切愚夫種種解故如恒河水有見不見見不見不可言有餘所見故不可言無聖於妄法離顛倒見大慈妄法是常相不異故非諸妄法有差別相以分別故而有別異是故妄法其體是常大慈云何而得妄法真實謂諸聖者於妄法中不起顛倒非顛倒覺若於妄法有少分想則非聖智有少想者當知則是愚夫戲論非聖言說大慈若分

大衆入楞伽經卷第三 第十三誡

別妄法是倒非倒彼則成就二種種性謂聖種性凡夫種性大慈聖種性者彼復三種謂聲聞緣覺佛乘別故大慈云何愚夫分別妄法生聲聞乘種性所謂計著自相共相大慈何謂復有愚夫分別妄法成緣覺乘種性謂即執著自共相時離於憤內大慈何謂智人分別妄法而得成就佛乘種性所謂了達一切唯是自心分別所見無有外法大慈有諸愚夫分別妄法種種事物決定如是決定不異此則成就生死乘性大慈彼妄法中種種事物非即是物亦非非物大慈即彼妄法諸聖智者心意意識諸忘習氣自性法轉依故即說此妄名為真如是故真如離於心識我今明了顯示此句離分別者慈離一切諸分別故大慈菩薩自言世尊所說妄法為有為無佛言如幻無執著相故若執著相體是有者應不可轉則諸緣起應如外道說作者生大慈又言若諸妄法同於幻者此則當與餘妄作因佛言大慈非諸幻事為妄惑因以幻不生諸過

大衆入楞伽經卷第三 第十四誡

惡故以諸幻事無分別故大慈夫幻事者從他明呪而得生起非自分別過習力起是故幻事不生過惡大慈此妄惑法唯是愚夫心所執著非諸聖者今時世尊重說頌言
聖不見妄法中間亦非實以妄即真故中間亦真實若離於妄法而有相生者此還即是妄如醫未清淨
復次大慈見諸法非幻無有相似故說一切法如幻大慈言世尊為依執者種種幻相言一切法猶如幻耶為異依此執著顛倒相耶若依執著種種幻相言一切法猶如幻者世尊非一切法悉皆如幻何以故見種種色相不無因故世尊都無有因令種種色相顯現如幻是故世尊不可說言依於執著種種幻相言一切法與幻相似佛言大慈不依執著種種幻相言一切法如幻大慈以一切法不實速滅如電故說如幻大慈譬如電光見已即滅世間凡愚悉皆現見一切諸法依自分別自共相現亦復如是

以不能觀察無所有故而妄計著種

大舍入楞伽經卷第三 第十五

種色相。今時世尊重說頌言。
非幻無相似。亦非有諸法。不實速如電。
如幻應當知。

今時大慧菩薩摩訶薩復白佛言。世尊如佛先說一切諸法皆悉無生。又言如幻將非所說前後相違。佛言大慧。無有相違。何以故。我於於生即是無生。唯是自心之所見。故若有若無。一切外法見其無性。本不生。故大慧。為離外道因生義。故我說諸法皆悉不生。大慧。外道群聚共興惡見。言從有無生。一切法非自執著。分別為緣。大慧。我說諸法非有。无生。故名無生。大慧。說諸法者。為令弟子知。依諸業攝受生死。速其無有斷滅。見故大慧。說諸法相。猶如幻者。令離諸法自性相。故為諸凡愚。墮惡見。欲不知諸法。唯心所現。為令遠離執著。因緣生起之相。說一切法如幻。如夢。被諸愚夫執著。惡見欺誑。自他不能明見。一切諸法如實。住廣大慧見。一切法如實。慶者謂能了達。唯心所現。今時世尊重說頌言。

大舍入楞伽經卷第三 第十六

無作故無生。有法攝生死。了達如幻等。於相不分別。

復次大慧。我當說名。句。文。身。相。諸菩薩摩訶薩。善觀此相。了達其義。疾得阿耨多羅三藐三菩提。復能開悟一切眾生。大慧。名。身。者。謂依事立名。名即是身。是名。名。身。身。身。者。謂能顯義。決定究竟。是名。句。文。身。身。者。謂由於此能成名。句。是名。文。身。復次大慧。句身者。謂句。事。究竟。名。身。者。謂諸字。名。各各差別。如從阿字。乃至呵字。文身者。謂長短高下。復次句身者。如足跡。如衢巷中人。畜等跡。名。謂非色。四塵。以名說。故文。謂名之自相。由文顯。故是名。名。句。文。身。此名。句。文。身。相。汝應修學。今時世尊重說頌言。

名身與句身。及字身。差別。凡愚所計著。如鳥溺深泥。

復次大慧。未來世中有諸邪智惡思覺者。離如實法。以見一異。俱不俱。相問諸智者。彼即答言。此非正問。謂色與无常。為異。為不異。如是涅槃諸行相。所相依。所依。造所造。見所見。地。典。

大舍入楞伽經卷第三 第十七

微塵智與智者。為異。為不異。如是等不可記事。次第而問。世尊說此。當止。記答。愚夫無智。非所能知。佛欲令其離驚怖。慶。不為記說。大慧。不記說者。欲令外道。永得出離。作者。見故。大慧。諸外道。眾計。有作者。作如是說。命。即是身。命。異。身。異。如是等說。名。無記。論。大慧。外道。癡惑。說無記。論。非我。教。中。說。離。能。所。取。不。起。分。別。云。何。可。止。大慧。若有執者。能取。所取。不。了。唯。是。自心。所。見。彼。應。可。止。大慧。諸佛。如。來。以。四。種。記。論。為。眾。生。說。法。大慧。止。記。論。者。我。別。時。說。以。根。未。熟。且。止。說。故。復次大慧。何故。一切法。不生。以。離。能。作。所。作。无。作。者。故。何。故。一切法。無。自。性。以。證。智。觀。自。相。共。相。不。可。得。故。何。故。一切法。無。來。去。以。自。共。相。來。无。所。從。去。無。所。至。故。何。故。一切法。不。滅。謂。一切法。無。性。相。故。不。可。得。故。何。故。一切法。無。常。謂。諸。相。起。無。常。性。故。何。故。一切法。常。謂。諸。相。起。即。是。不。起。无。所。有。故。無。常。性。常。是。故。我。說。一切法。常。今。時。世。尊。重。說。頌。言。

大衆八楞伽經卷第三 第八段

一向及返問分別與置答如是四種說
摧伏諸外道數論與勝論言有非有生
如是等諸說一切皆無記以智觀察時
體性不可得以彼無可說故說无自性
今時大慧菩薩摩訶薩復自佛言世尊
願為我說諸須陀洹果洹果行差別
相我及諸菩薩摩訶薩聞是義故於須
陀洹斯陀含阿那含阿羅漢方便相皆
得善巧如是而為衆生演說令其證得
二無我法淨除二障於諸地相漸次通
達獲於如來不可思議智慧境界如
衆色摩尼普令衆生悉得饒益佛言
諦聽當為汝說大慧言唯佛言大慧
諸須陀洹須陀洹果差別有三謂下
中上大慧下者於諸有中極七及生
中者三生五生上者即於此生而入
涅槃大慧此三種人斷三種結謂身
身疑戒禁取上上勝進得阿羅漢果
大慧身見有二種謂俱生及分別如
依緣起有妄計性大慧譬如依止緣
起性故種種妄計執著性生彼法但
是妄分別相非有非無非亦有亦无
凡夫愚癡而橫執著猶如渴獸妄生

大衆八楞伽經卷第三 第十一

水想此分別身見無智慧故久遠相
應見人無我即時捨離大慧俱生身
見以普觀察自他之身受等四蘊无
色相故色由大種而得生故是諸大
種相因故色不集故如是觀已明
見有無即時捨離捨身見故貪則不
生是名身見相大慧疑相者於所證
法善見相故及先二種身見分別斷
故於諸法中疑不得生亦不於餘生
大師想為淨不淨是名疑相大慧何
故須陀洹不取戒禁謂以明見生處
苦相是故不取夫其取者謂諸凡愚
於諸有中貪著世樂苦行持戒願生
於彼須陀洹人不取是相惟求所證
寂勝無漏無分別法修行戒品是名戒
禁取相大慧須陀洹人捨三結故離貪
瞋癡大慧自言貪有多種捨何等貪
佛言大慧捨於女色纏綿貪欲見此
現樂生來苦故又得三昧殊勝樂故
是故捨彼非涅槃貪大慧云何斯陀
含果謂不了色相起色分別一往來
已善修禪行盡苦邊際而般涅槃是
名斯陀含大慧云何阿那含果謂於

大衆八楞伽經卷第三 第十二段

過未現在色相起有無見分別過惡
隨眠不起永捨諸結更不還來是名
阿那含大慧阿羅漢者謂諸禪三昧
解脫力通悉已成就煩惱諸苦分別
永盡是名阿羅漢大慧言世尊阿羅
漢有三種謂一向趣寂退菩提願佛
所變化此說何者佛言大慧此說趣
寂非是其餘大慧餘二種人謂已曾
發巧方便願及為莊嚴諸佛來會於彼
不生大慧於虛妄處說種種法所謂
證果禪者及禪皆性離故自心所見
得果相故大慧若須陀洹作如是念
我離諸結則有二過謂墮我見及諸
結不斷
復次大慧若欲超過諸禪无量無色
界者應離自心所見諸相相大慧想受
滅三昧越自心所見境者不然不離
心故和時世尊重說頌言
諸禪與無量無色三摩提及以想受滅
惟心不可得預流一來果不還阿羅漢
如是諸聖人悉伏心妄有禪者禪所緣
斷惑見真諦皆是妄想了知即解脫
復次大慧有二種覺智謂觀察智及

取相分別執者建立智觀察智者謂觀一切法離四句不可得四句者謂一異俱不俱有非有常無常等我以諸法離此四句是故說言一切法離大慧如是觀法汝應修學云何取相分別執者建立智謂於堅濕煖動諸大種性取相執者虛妄分別以宗因喻而妄建立是名取相分別執者建立智是名二種覺智相菩薩摩訶薩知此智相即能通達人法無我以元相智於解行地善巧觀察入於初地得百三昧以勝三昧力見百佛百菩薩知前後際各百劫事光明照曜百佛世界善能了知上上地相以勝願力變現自在至法雲地而受灌頂入於佛地十無盡願成就衆生種種應現無有休息而恒安住自覺境界三昧勝樂復次大慧菩薩摩訶薩當善了知大種造色云何了知大慧菩薩摩訶薩應如是觀彼諸大種真實不生以諸三界但是分別惟心所現無有外物如是觀時大種所造悉皆性離超過四句無我我所住

如實處成無生相大慧彼諸大種云何造色大慧謂虛妄分別津潤大種成內外水界炎威大種成內外火界飄動大種成內外風界色分段大種成內外地界離於虛空由執著邪諦五蘊聚集大種造色生大慧識者以執著種種言說境界為因起故於餘趣中相續受生大慧地等造色有大種因非四大種為大種因何以故謂若有法有形相者則是所作非无形者大慧此大種造色相外道分別非是我說復次大慧我今當說五蘊體相謂色受想行識大慧色謂四大及所造色此各異相受等非色大慧非色諸蘊猶如虛空無有四數大慧譬如虛空超過數相然分別言此是虛空非色諸蘊亦復如是離諸數相離有無等四種句故數相者愚夫所說非諸聖者諸聖但說如幻所作唯假施設離異不異如夢如像無別所有不了聖智所行境故見有諸蘊分別現前是名諸蘊自性相大慧如是分別汝應捨離捨離此已說寂靜法斷

一切剎諸外道見淨法無我入遠行地成就無量自在三昧獲意生身如幻三昧力通自在皆悉具足猶如大地普益群生復次大慧涅槃有四種何等為四謂諸法自性無性涅槃種種相性无性涅槃覺自相性無性涅槃斷諸蘊自共相流注涅槃大慧此四涅槃是外道義非我所說大慧我所說者分別公災識滅名為涅槃大慧言世尊豈不建立八種識耶佛言建立大慧言若建立者云何但說意識滅非七識滅佛言大慧以彼為因及所緣故七識得生大慧意識分別境界起執著時生諸習氣長養藏識由是意俱我我所執思量隨轉無別體相藏識為因為所緣故執著自心所現境界心聚生起展轉為因大慧譬如海浪自心所現境界風吹而有起滅是故意識滅時七識亦滅余時世尊重說頌曰我不以自性及以於作相分別境識滅如是說涅槃意識為心因心為意境界因及所緣故諸識依止生如大瀑流盡

大衆持經卷第五 第十四段 跋

波浪則不起如是意識滅種種識不生復次大慧我今當說妄計自性差別相今汝及諸菩薩摩訶薩善知此義超諸妄想證聖智境知外道法遠離能取所取分別於依他起種種相中不更取著妄所計相大慧云何妄計自性差別相所謂言說分別所說分別相分別財分別自性分別因分別見分別理分別生分別不生分別相屬分別縛解分別大慧此是妄計自性差別相云何言說分別謂執著種種美妙音詞是名言說分別云何所說分別謂執有所說事是聖智所證境依此起說是名所說分別云何相分別謂即於彼所說事中如渴飲想分別執著堅濕煖動等一切諸相是名相分別云何財分別謂取著種種金銀等寶而起言說是名財分別云何自性分別謂以惡見如是分別此自性決定非餘是名自性分別云何因分別謂於因緣分別有無以此因相而能生故是名因分別云何見分別謂諸外道惡見執著有無一異俱不俱

大衆持經卷第五 第十五段 跋

等是名見分別云何理分別謂有執著我我所相而起言說是名理分別云何生分別謂計諸法若有若無從緣而生是名生分別云何不生分別謂計一切法本來不生未有諸緣而先有體不從因起是名不生分別云何相屬分別謂此與彼迥相繫屬如針與線是名相屬分別云何縛解分別謂執因能縛而有所縛如人以繩方便力故縛已復解是名縛解分別大慧此是妄計性差別相一切凡愚於中執著若有若無大慧於緣起中執著種種妄計自性如依於幻見種種物凡愚分別見異於幻大慧幻與種種非異非不異若異者應幻非種種因若一者幻與種種應無差別然見差別是故非異非不異大慧汝及諸菩薩摩訶薩於幻有無不應生著今時世尊重說頌言

大衆持經卷第五 第十六段 跋

彼相即是過皆從心縛生妄計者不了分別緣起法此諸妄計性皆即是緣起妄計有種種緣起中分別世俗第一義第三無因生妄計是世俗斷則聖境界如修觀行者於一種種現於彼無種種妄計相如是如目種種翳妄想見衆色彼無色非色不了緣起然如金離塵垢如水離泥濁如虛空無雲妄想淨如是無有妄計性而有於緣起建立及誹謗斯由分別壞若無妄計性而有緣起者无法而有法有法從無生依因於妄計而得有緣起相名常相隨而生於妄計以緣起依妄究竟不成就是時現清淨名為第一義妄計有十二緣起有六種自證真如境彼無有差別五法為真實三自性亦亦依行者觀此不越於真如依於緣起相妄計種種名彼諸妄計相皆因緣起有智慧善觀察無緣無妄計真實中無物云何起分別圓成者是有此則離有無既已離有無云何有二性妄計有二性二性是安立分別見種種清淨聖所行妄計種種相緣起中分別若異此分別則墮外道論以諸妄見故

大乘入楞伽經卷第三 第七經 跋

妻計於妄計離此二計者則為真實法
大慧菩薩摩訶薩復白佛言世尊惟
願為說自證聖智行相及一乘行相
我及諸菩薩摩訶薩得此善巧於佛
法中不由他悟佛言諦聽當為汝說
大慧言唯佛言大慧菩薩摩訶薩依
諸聖教無有分別獨處閑靜觀察自
覺不由他悟離分別見上上界進入
如來地如是修行名自證聖智行相
云何名一乘行相謂得證知一乘道
故云何名為知一乘道謂離能取所
取分別如實而住大慧此一乘道惟
除如來非外道二乘梵天三等之所
能得大慧白佛言世尊何故說有三
乘不說一乘佛言大慧聲聞緣覺元
自般涅槃法故我說一乘以彼但依
如來所說調伏遠離如是修行而得
解脫非自所得又彼未能除滅智障
及業習氣未覺法無我未名不思議
變易死是故我說以為三乘若彼能
除一切過習覺法無我是時乃離三
昧所醉於無漏界而得覺悟已於出
世上上無漏界中修諸功德普使滿

足獲不思議自在法身今時世尊重
說頌言
大乘入楞伽經卷第三 第七經 跋

天乘及梵乘聲聞緣覺乘諸佛如來乘
諸乘我所說乃至有心起諸乘未究竟
彼心轉滅已無乘及乘者元有乘建立
我說為一乘為攝愚夫故說諸乘差別
解脫有三種謂離諸煩惱及以法無我
平等智解脫譬如海中木常隨波浪轉
聲聞心亦然相風所漂激雖滅起煩惱
猶被習氣縛三昧酒所醉住於無漏界
彼非究竟趣亦復不退轉以得三昧身
乃至劫不覺譬如昏醉人酒消然後悟
聲聞亦如是覺後當成佛
大乘入楞伽經卷第三

癸卯歲高麗國大藏都監奉
勅彫造

大乘入楞伽經卷第四

無常品第三之一

今時佛告大慧菩薩摩訶薩言今當
為汝說意成身差別相諦聽諦聽善
思念之大慧言唯佛言大慧意成身
有三種何者為三謂入三昧樂意成
身覺法自性意成身種類俱生無
作行意成身諸修行者入初地已漸
次證得大慧云何入三昧樂意成身
謂三四地入於三昧離種種心寂
然不動心海不起轉識波浪了境心
現皆無所有是名入三昧樂意成身
云何覺法自性意成身謂八地中了
法如幻皆無有相心轉所依住如幻
定及餘三昧能現無量自在神通如
花開敷速疾如意如幻如夢如影如
像非四大造與造相似一切色相具
足莊嚴普入佛刹了諸法性是名覺
法自性意成身云何種類俱生无作
行意成身謂了達諸佛自證法相是
名種類俱生無作行意成身大慧三

大寶積經卷第四 第四品 華嚴

種身相當勤觀察今時世尊重說頌言
我大乘非乘非聲亦非字非諦非解脫
亦非無相竟然乘摩訶衍三摩提自在
種種意成身自在花莊嚴

今時大慧菩薩摩訶薩復白佛言世
尊如世尊說五無間業何者為五若
人作已墮阿鼻獄佛言諦聽當為汝
說大慧言唯佛告大慧五無間者所
謂殺母殺父殺阿羅漢破和合僧懷
惡逆心出佛身血大慧何者為衆生
母謂引生愛與貪喜俱如母養育何
者為父所謂無明令生六處聚落中
故斷二根本名殺父母云何殺阿羅
漢謂隨眠為然如鼠毒發究竟斷彼
是故說名殺阿羅漢云何破和合僧
謂諸蘊異相和合積聚究竟斷彼名
為破僧云何惡心出佛身血謂八識
身妄生思覺見自心外自相共相以三
解脫無漏惡心究竟斷彼八識身佛名
為惡心出佛身血大慧是為內五無
間若有作者無間即得現證實法復
次大慧今為汝說外五無間今汝及
餘菩薩聞是義已於未來世不生提

大寶積經卷第四 第四品 華嚴

惑云何外五無間謂餘教中所說無
間若有作者於三解脫不能現證唯
除如來諸大菩薩及大聲聞見其有
造無間業者為欲勸發令其改過以
神通力亦同其事尋即悔除證於解
脫此皆化現非是實造若有實造無
間業者終無現身而得解脫唯除覺
了自心所現身資所住離我所分
別執見或於來世餘處受生遇善知
識離分別過方證解脫今時世尊重
說頌言

貪愛名為母無明則是父識了於境界
此則名為佛隨眠阿羅漢蘊聚和合僧
斷彼無餘間是名無間業

今時大慧菩薩摩訶薩復白佛言世
尊願為我說諸佛體性佛言大慧覺二
無我除二種障離二種死斷二煩惱
是佛體性大慧聲聞緣覺得此法已
亦名為佛我以是義但說一乘今時
世尊重說頌言

善知二無我除二障二惱及不思議死
是故名如來
今時大慧菩薩摩訶薩復白佛言世

大寶積經卷第四 第四品 華嚴

尊如來以何密意於大衆中唱如是
言我是過去一切諸佛及說百千奉
生之事我於今時作頂生王大鳥鷄
鷄月光妙眼如是等佛言大慧如來
應正等覺依四平等秘密意故於大
衆中作如是言我於昔時作拘留孫
佛拘留舍牟尼佛迦葉佛云何為四
所謂字平等語平等身平等法平等
云何字平等謂我名佛一切如來亦
名為佛佛名無別是謂字等云何
語平等謂我作六十四種梵音聲語
一切如來亦作此語迦陵頻伽梵音
聲性不增不減無有差別是名語等
云何身平等謂我與諸佛法身色相
及隨形好等無差別除為調伏種種衆
生現隨類身是謂身等云何法平等
謂我與諸佛皆同證得三十七種菩
提分法是謂法等是故如來應正等
覺於大衆中作如是說今時世尊重
說頌言

迦葉拘留孫拘留舍是我依四平等故
為諸佛子說
今時大慧菩薩摩訶薩復白佛言世

尊如世尊說我於某夜成最正覺乃至某夜當入涅槃於其中間不說一字亦不已說亦不當說不說是佛說世尊依何密意作如是語佛言大慧依二密法故作如是說云何二法謂自證法及本住法云何自證法謂諸佛所證我亦同證不增不減證智所行離言說相離分別相離名字相云何本住法謂法本性如金等在鑛若佛出世若不出世法住法位法界法性皆悉常住大慧譬如有人行曠野中見向古城平坦舊道即便隨入止息遊戲大慧於汝意云何彼作是道及以城中種種物耶白言不也佛言大慧我及諸佛所證真如常住法性亦復如是是故說言始從成佛乃至涅槃於其中間不說一字亦不已說亦不當說今時世尊重說頌言

某夜成正覺 某夜般涅槃 於此二中間 我都無所說 自證本住法 故作是密語 我及諸如來 無有少差別

今時大慧菩薩摩訶薩復白佛言世尊願說一切法有無相令我及諸菩

薩摩訶薩離此相疾得阿耨多羅三藐三菩提佛言諦聽當為汝說大慧言唯佛言大慧世間衆生多墮二見謂有見無見墮三見故非出出想云何有見謂實有因緣而生諸法非不實有實有諸法從因緣生非無法生大慧如是說者則說无因云何無見謂知受貪瞋癡已而妄計言無大慧及彼分別有相而不受諸法有復有知諸如來聲聞緣覺無貪瞋癡性而計為非有此中誰為壞者大慧自言謂有貪瞋癡性後取於無名為壞者佛言善哉汝解我問此人非止無貪瞋癡名為壞者亦壞如來聲聞緣覺何以故煩惱內外不可得故體性非異非不異故大慧貪瞋癡性若內若外皆不可得無體性故無可取故聲聞緣覺及以如來本性解脫元有能縛及縛因故大慧若有能縛及以縛因則有所縛作如是說名為壞者是為無有相我依此義密意而說寧起我見如須彌山不起空見懷增上慢若起此見名為壞者墮自共見樂欲之

中不了諸法惟心所現以不了故見有外法剎那無常展轉差別蘊界處相相續流轉起已還滅虛妄分別離文字相亦成壞者今時世尊重說頌言有無是三邊乃至心所行淨除彼所行平等心寂滅不取於境界非滅無所有有真如妙物如諸聖所行本無而有生已而復滅因緣有及无彼非住我法非外道非佛非我非餘衆能以緣成有云何而得無誰以緣成有而復得言无惡見說為生妄想計有無若知無所生亦復无所滅觀世悲空寂有無二俱離今時大慧菩薩摩訶薩復請佛言世尊惟願為說宗趣之相令我及諸菩薩摩訶薩善達此義不隨一切衆邪妄解疾得阿耨多羅三藐三菩提佛言諦聽當為汝說大慧言唯佛言大慧一切二乘及諸菩薩有二種宗法相何等為二謂宗趣法相言說法相宗趣法相者謂自所證殊勝之相離於文字語言分別入無漏界成自地行起過一切不正思覺伏魔外道生智慧光是名宗趣法相言說法相者

大華嚴經卷第四 第十
謂說九部種種教法離於一異有無等相以巧方便隨衆生心令入此法
是名言說法相汝及諸菩薩當勤修學今時世尊重說頌言

宗趣與言說自證及教法若能善知見不隨他妄解如愚所分別非是真實相彼豈不求度無法而可得觀察諸有為生滅等相續增長於二見顛倒无所知涅槃離心意唯此一法實觀世悲虛妄如幻夢芭蕉無有貪念亦復無有人從愛生諸漏如夢之所見

今時大慈菩薩摩訶薩復白佛言世尊願為我說虛妄分別相此虛妄分別云何而生是何而生因何而生誰之所生何故名為虛妄分別佛言大慈善哉善哉汝為哀愍世間天人而問此義多所利益多所安樂諦聽諦聽善思念之當為汝說大慈言唯佛言大慈一切衆生於種種境不能了達自心所現計能所取虛妄執者起諸分別墮有無見增長外道妄見習氣心心所法相應起時執有外義種種可得計著於我及以我所是故名為

大華嚴經卷第四 第九
虛妄分別大慈白言若如是者外種種義性離有無起諸見相世尊第一義諦亦復如是離諸損量宗因辟喻世尊何故於種種義言起分別第一義中不言起耶將無世尊所言乖理一處言起一不言故世尊又說虛妄分別墮有無見辟如幻事種種非實分別亦亦有無相離云何而說墮二見耶此說豈不墮於世見佛言大慈分別不生不滅何以故不起有無分別相故所見外法皆無有故了唯自心之所現故但以愚夫分別自心種種諸法善種種相而作是說今知所見皆是自心斷我我所一切見著離作所作諸惡因緣覺唯心故轉其意樂善明諸地入佛境界捨五法自性諸分別見是故我說虛妄分別執者種種自心所現諸境界生如實了知則得解脫今時世尊重說頌言
諸因及與緣從此生世間與四句相應不知於我法世非有無生亦非俱不俱云何諸愚夫分別因緣起非有亦非无亦復非有無如是觀世間心轉謬無我

大華嚴經卷第四 第十
一切法不生以從緣生故諸緣之所作所作法非生果不自生果有二果失故無有二果故非有性可得觀諸有為法離能緣所緣決定唯是心故我說心量量之自性處緣法二俱離究竟妙淨事我說名心量施設假名我而實不可得諸蘊蘊假名亦皆無實事有四種平等相因及所生無我為第四修行者觀察離一切諸見及能所分別无得亦無生我說心量非有亦非無有无二俱離如是心亦離我說心量真如空實際涅槃及法界種種意成身我說是心量妄想習氣縛種種從心生衆生見為外我說是心量外所見非有而心種種現身資及所住我說是心量
今時大慈菩薩摩訶薩復白佛言世尊如來說言如我所說汝及諸菩薩不應依語而取其義世尊何故不應依語取義云何為語云何為義佛言諦聽當為汝說大慈言唯佛言大慈語者所謂分別習氣而為其因依於唯舌唇齒齒輔而出種種音聲文字相對談說是名為語云何為義菩薩

摩訶薩住獨一靜處以聞思修慧思
惟觀察向涅槃道自智境界轉諸習
氣行於諸地種種行相是名為義復次
大慧菩薩摩訶薩善於語義知語與
義不一不異義之與語亦復如是若
義異語則不應因語而顯於義而因
語見義如燈照色大慧譬如有人持
燈照物知此物如是在如是處菩薩摩
訶薩亦復如是因語言燈入離言說
自證境界復次大慧若有於不生不
滅自性涅槃三乘一乘五法諸心自
性等中如言取義則墮建立及非謗
見以異於彼起分別故如見幻事計
以為實是愚夫見非賢聖也今時世
尊重說頌言

善隨言取義建立於諸法以彼建立故
既墮地獄中蓮中無有我非蓮即是我
不如彼分別亦復非無有如愚所分別
一切皆有性若如彼所見皆應是真實
一切清淨法悉皆無體性不如彼所見
亦非無所有

復次大慧我當為汝說智識相汝及
諸菩薩摩訶薩善了知智識之相

則能疾得阿耨多羅三藐三菩提大
慧智有三種謂世間智出世間智出
世間上上智云何世間智謂一切外
道凡愚計有無法云何出世間智謂
一切二乘者自共相云何出世間上
上智謂諸佛菩薩觀一切法皆無有
相不生不滅非有非無證法無我入
如來地大慧復有三種智謂知自相
共相智知生滅智知不生不滅智復
次大慧生滅是識不生滅是智墮相
無相及以有無種種相因是識離相
無相及有無因是智有積集相是識
無積集相是智著境界相是識不著
境界相是智三和合相應生是識无
身相應自性相是智有得相是識無
得相是智證自聖智所行境界如水
中月不入不出故今時世尊重說頌言
採集華為心觀察法為智慧能證無相
遠自在威光境界縛為心覺想生為智
無相及增勝智慧於中起心意及與識
離諸分別想得無分別法佛子非聲聞
寂滅殊勝忍如來清淨智生於善勝義
遠離諸所行我有三種智聖者能明照

分別於諸相開示一切法我智離諸相
超過於二乘以諸聲聞等執者諸法有
如來智無始了達唯心故
復次大慧諸外道有九種轉變見所
謂形轉變相轉變因轉變相應轉變
見轉變生轉變物轉變緣明了轉變
所作明了轉變是為九一切外道因
是見故起有無轉變論此中形轉變
者謂形別異見譬如以金作莊嚴具
環釧瓔珞種種不同形狀有殊金體
無易一切法變亦復如是諸餘外道
種種計者皆非如是亦非別具但分
別故一切轉變如是應知譬如乳酪
酒果等熟外道言此皆有轉變而實
無有若若有無自心所見無外物故
如此皆是愚迷凡夫從自分別習氣
而起實無一法若生若滅如因幻夢
所見諸色如石女兒說有生有死今時
世尊重說頌言

形處時轉變大種及諸根中有漸次生
妄想非明智諸佛不分別緣起及世間
但諸緣世間如乳聞藥城
今時大慧菩薩摩訶薩復白佛言世

大藏八經卷第四 第十品 疏

尊惟願如來為我解說於一切法深
密義及解義相令我及諸菩薩摩訶
薩善知此法不墮如言取義深密執
著離文字語言虛妄分別普入一切
諸佛國土力通自在持持而印覺慧
善住十無盡願以元初用種種變
現光明照曜如日月摩尼地水火風
住於諸地離分別見知一切法如幻
如夢入如來位普化衆生令知諸法
虛妄不實離有無品新生滅執不著
言說令轉所依佛言諦聽當為汝說
大慧於一切法如言取義執著深密
其數無量所謂相執著緣執著有非
有執著生非生執著滅非滅執著乘
非乘執著為無為執著地地自相執
著自分別現證執著外道宗有無品
執著三乘一乘執著大慧此等密執
有無量種皆是凡愚自分別執而密
執著此諸分別如聲作響以妄想絲
自纏繞他執著有無欲樂堅密大慧
此中實無密非密相以菩薩摩訶薩
見一切法住寂靜故無分別故若了
諸法唯心所見無有外物皆同元相

大藏八經卷第四 第十五品 疏

隨順觀察於若有若無分別密執悉
見寂靜是故無有密非密相大慧此
中無縛亦無有解不了實者見縛解
可何以故一切諸法若有若元求其
體性不可得故復次大慧愚癡凡夫
有三種密縛謂貪患癡及受來生與
貪喜俱以此密縛令諸衆生續生五
趣密縛若斷是則無有密非密相復
次大慧若有執著三和合緣諸識密
縛次第而起有執著故則有密縛若
見三解脫離三和合識一切諸密皆
悉不生亦時世尊重說頌言
不實妄分別 是名為密相 若能如實知
諸密細皆斷 凡愚不能了 隨言而取義
譬如登樓臺 妄想自纏繞
今時大慧菩薩摩訶薩復白佛言世
尊如世尊說由種種心分別諸法非諸
法有自性此但妄計耳世尊者但妄計
無諸法者染淨諸法將無悉壞佛言大
慧如是如是如汝所說一切凡愚分
別諸法而諸法性非如是有此但妄
執無有性相然諸聖者以聖慧眼如
實知見有諸法自性大慧自言昔諸

大藏八經卷第四 第十六品 疏

聖人以聖慧眼見有諸法性非天眼
肉眼不同凡愚之所分別云何凡愚
得離分別不能覺了諸聖法故世尊
彼非顛倒非不顛倒何以故不見聖
人所見法故聖見遠離有無相故聖
亦不如凡所分別如是得故非自所
行境界相故彼亦見有諸法性相如
妄執性而顯現故不說有因及無因
故墮於諸法性相見故世尊其餘境
界既不同此如是則成無窮之失執
能於法了知性相世尊諸法性相不
因分別云何而言以分別故而有諸
法世尊分別相異諸法相異因不相
似云何諸法而由分別復以何故凡
愚分別不如是有而作是言為令衆
生捨分別故說如分別所見法相無
如是法世尊何故今諸衆生離有元
見所執著法而復執著聖智境界墮
於有見何以故不說寂靜空無之法
而說聖智自性事故佛言大慧我非
不說寂靜空法墮於有見何以故已
說聖智自性事故我為衆生無始時
來計著於有於寂靜法以聖事說今

其間已不生恐怖能如實證寂靜空
法離或亂相入唯識理知其所見無
有外法悟三脫門復如實印見法自
性了聖境界遠離有無一切諸著復
次大慧菩薩摩訶薩不應成立一切
諸法皆悉不生何以故一切法本無
有故及彼宗因生相故復次大慧一
切法不生此言自壞何以故彼宗有
待而生故又彼宗即入一切法中不
生相亦不生故又彼宗諸分而成故
又彼宗有無法皆不生此宗即入一
切法中有無相亦不生故是故一切
法不生此宗自壞不應如是立諸分
多過故展轉因異相故如不生一切
法空無自性亦如是大慧菩薩摩訶
薩應說一切法如幻如夢見不見故一
切皆是惑亂相故除為愚夫而生恐
怖大慧凡夫愚癡墮有無見莫令於
彼而生驚恐遠離大乘今時世尊重
說頌言
無自性無說無事无依處凡愚妄分別
惡覺如死屍一切法不生外道所成立
以彼所有生非緣所成故一切法不生

智者不分別彼宗因生故此覺則便壞
譬如有目有瞽妄想見毛輪諸法亦如是
凡愚妄分別三有唯假名無有實法體
由此假施設分別妄計度假名諸事相
動亂於心識佛子悉起過遊行無分別
無水取水相斯由渴受起凡愚見法人
諸聖則不然聖人見清淨生於三解脫
遠離於生滅常行元相境修行無相境
亦復無有無有無患平等是故生聖果
云何法有無云何成平等若心不了法
內外斯動亂了已則平等亂相今時滅
余時大慧菩薩摩訶薩復自佛言世
尊如佛所說若知境界但是假名都
不可得則無所取无所取故亦無能
取能取所取二俱無故不起分別說
名為智世尊何故彼智不得於境為
不能了一切諸法自相共相一異義
故言不得耶為以諸法自相共相種種
不同更相隱蔽而不得耶為山巖
石壁簾幔障障之所覆隔而不得耶
為極遠極近老小盲冥諸根不具而
不得耶若不了諸法自相共相一異
義故言不得者此不名智應是無智

以有境界而不知故若以諸法自相
共相種種不同更相隱蔽而不得者
此亦非智以知於境說名為智非不
知故若山巖石壁簾幔障障之所覆
隔極遠極近老小盲冥而不知者彼
亦非智以有境界智不具足而不知故
佛言大慧此實是智非如汝說我之
所說非隱覆說我言境界唯是假名
不可得者以了但是自心所見外法
有無智慧於中畢竟無得以无得故
今猶不起入三脫門智體亦忘非如
一切覺想凡夫無始已來戲論熏習
計著外法若有若無種種形相如是
而知名為不知不了諸法唯心所見
著我我所分別境智不知外法是有
是無其心住於斷見中故為今捨離
如是分別說一切法唯心建立今時
世尊重說頌言
若有於所緣智慧不觀見彼無智非智
是名妄計者無邊相手隱障障及遠近
智慧不能見是名為邪智老小諸根冥
而實有境界不能生智慧是名為邪智
復次大慧愚癡凡夫無始虛偽惡邪

分別之大衆入初修經卷第四 第三十張 疏幻惑不了如實及言說法

計心外相著方便說不能修習清淨

真實難四句法大慧白言如是如是

誠如尊教願為我說如實之法及言

說法令我及諸菩薩摩訶薩於此二

法而得善巧非外道二乘之所能入

佛言諦聽當為汝說大慧三世如來

有二種法謂言說法及如實法言說

法者謂隨衆生心為說種種諸方便

教如實法者謂修行者於心所現離

諸分別不墮一異俱不俱品超度一切

心意意識於自覺聖智所行境界離

諸因緣相應見相一切外道聲聞緣

覺墮二邊者所不能知是名如實法

此二種法汝及諸菩薩摩訶薩當善

修學今時世尊復說頌言

我說二種法言教及如實教法示凡夫

實為修行者

今時大慧菩薩摩訶薩復自佛言世

尊如來一時說虛伽耶陀呪術詞論

但能攝取世間財利不得法利不得

法利不應親近承事供養世尊何故

作如是說佛言大慧虛伽耶陀所有詞

論但飾文句詭惑凡愚隨順世間虛

妄言說不如於義不稱於理不能證

入真實境界不能覺了一切諸法恒

墮二邊自失正道亦令他失輪迴諸

趣永不出離何以故不了諸法唯心

所見執著外境增分別故是故我說

世論文句因喻莊嚴但誑愚夫不能

解脫生老病死憂悲等患大慧釋提

桓因廣解衆論自造諸論彼世論者

有一弟子現作龍身諱釋天宮而立

論宗作是要言矯尸迦我共汝論汝

若不如我當破汝千輻之輪我若不

如斷一一頭以謝所屈說是語已即

以論法摧伏帝釋壞千輻輪還來人

間大慧世間言論因喻莊嚴乃至能

現龍形以妙文詞迷惑諸天及阿修

羅令其執著生滅等見而況於人是

故大慧不應親近承事供養以彼能

作生苦因故大慧世論唯說身覺境

界大慧彼世論有百千字句後末世

中惡見乖離邪衆崩散分成多部各

執自因大慧非餘外道能立教法唯

虛迦耶以百千句廣說無量差別四

相非如實理亦不自知是惑世法亦

時大慧白言世尊若虛迦耶所造之

論種種文字因喻莊嚴執著自宗非

如實法名外道者世尊亦說世間之

事謂以種種文句言詞廣說十方一

切國土天人等衆而來集會非是自

智所證之法世尊亦同外道說耶佛

言大慧我非世說亦無來去我說諸

法不來不去大慧來者集生去者壞

滅不來不去此則名為不生不滅大

慧我之所說不同外道墮分別中何

以故外法有無无所著故了唯自心

不見二取不行相境不生分別入空

無相元願之門而解脫故大慧我憶

有時於一處住有世論婆羅門來至

我所還問我言瞿曇一切是所作耶

我時報言婆羅門一切所作是切世

論又問我言一切非所作耶我時報言

一切非所作是第二世論彼復問言一

切常耶一切無常耶一切生耶一切不

生耶我時報言是第六世論彼復問言

一切一耶一切異耶一切俱耶一切不

俱耶一切皆由種種因緣而受生耶

戰時報言是第十一世論彼復問言
一切有記耶一切無記耶有我耶无
我耶有此世耶無此世耶有他世耶
無他世耶有解脫耶無解脫耶是刹
鄰耶非刹鄰耶虛空涅槃及非擇滅
是所作耶非所作耶有中有耶无中
有耶我時報言婆羅門如是皆是汝
之世論非我所說婆羅門我說因於
無始戲論諸惡習氣而生三有不了
唯是自心所見而取外法實无可得
如外道說我及根境三合知生我不
如是我不能因不說無因唯緣妄心
似能所取而說緣起非汝及餘取者
我者之所能測大慧虛空涅槃及非
擇滅但有三數本無體性何況而說
作與非作大慧今時世論婆羅門復
問我言無明愛業為因緣故有三有
耶為無因耶我言此二亦是世論又
問我言一切諸法皆入自相及共相
耶我時報言此亦世論婆羅門乃至
少有心識流動分別外境皆是世論
大慧今時彼婆羅門復問我言頗有
非是世論者不一切外道所有詞論

種種文句因喻莊嚴莫不皆從我法
中出我報言有非汝所許非世不許
非不說種種文句義理相應非不相
應彼復問言豈有世許非世論耶我
答言有但非於汝及以一切外道能
知何以故以於外法虛妄分別生執
著故若能了達有無等法一切皆是
自心所見不生分別不取外境於自
處住自處住者是不起義不起於何
不起分別此是我法非汝有也婆羅
門略而言之隨何處中心識往來死
生求應若受若見若觸若住取種種
相和合相續於愛於因而生計著皆
汝世論非是我法大慧世論婆羅門
作如是問我如是答不問於我自宗
實法默然而去作是念言沙門瞿曇
無可尊重說一切法無生无相無因
無緣唯是自心分別所見若能了此
分別不生大慧汝今亦復問我是義
何故親近諸世論者唯得財利不得
法利大慧自言所言財法是何等義
佛言善哉汝乃能為未來衆生思惟
是義諦聽諦聽當為汝說大慧所言

財者可觸可受可取可味令著外境
墮在二邊增長貪愛生老病死憂悲
苦惱我及諸佛說名財利親近世論
之所獲得云何法利謂了法是心見
二無我不取於相無有分別善知諸
地離心意識一切諸佛所共灌頂具
足受行十元盡願於一切法悉得自
在是名法利以是不墮一切諸見戲
論分別常斷二邊大慧外道世論令
諸癡人墮在二邊謂常及斷受無因
論則起常見以因壞滅則生斷見我
說不見生住滅者名得法利是名財
法二差別相汝及諸菩薩摩訶薩應
勤觀察今時世尊重說頌言
調伏攝衆生以戒降諸惡智慧滅諸見
解脫得增長外道虛妄說皆是世俗論
橫計作所作不能自成立唯我一自宗
不著於能所為諸弟子說令離於世論
能取所取法唯心無所有二種皆心現
斷常不可得乃至心流動是則為世論
分別不起者是人見自心來者見事生
去者事不現明了知來去不起於分別
有常及無常所作无所作此世他世等

皆是世論法

大衆入楞伽經卷第四 第三十六

余時大慧菩薩摩訶薩復白佛言世尊佛說涅槃說何等法以為涅槃而諸外道種種分別佛言大慧如諸外道分別涅槃皆不隨順涅槃之相諦聽諦聽當為汝說大慧或有外道言見法無常不貪境界蘊界處滅心心所法不現在前不念過現未來境界如燈盡如種敗如火滅諸取不起分別不升起涅槃想大慧非以見壞名為涅槃或謂至方名得涅槃境界想離猶如風止或謂不見能覺所覺名為涅槃或謂不起分別常無常見名為涅槃或有說言分別諸相發生於苦而不能知自心所現以不知故怖畏於相以來無相深生愛樂執為涅槃或謂覺知內外諸法自相共相去來現在有性不壞作涅槃想或計我人衆生壽命及一切法無有壞滅作涅槃想復有外道無有智慧計有自性及以士夫衆轉變作一切物以為涅槃或有外道計福非福盡或計不由智慧諸煩惱盡或計自在是實

作者以為涅槃或謂衆生展轉相生

大衆入楞伽經卷第四 第三十七

以此為因更無異因彼無智故不能覺了以不了故執為涅槃或計證於諦道虛妄分別以為涅槃或計求那與求那者而共和合一性異性俱及不俱執為涅槃或計諸物從自然生孔雀文彩棘針鋸利生實之虞出種種實如此等事是誰能作即執自然以為涅槃或謂能解二十五諦即得涅槃或有說言能受六分守護衆生斯得涅槃或有說言時生世間時即涅槃或執有物以為涅槃或計無物以為涅槃或有計者有物無物為涅槃者或計諸物與涅槃無別作涅槃想大慧復有異彼外道所說以一切智大師子吼說能了達唯心所現不取外境遠離四句住如實見不墮二邊離能所取不入諸量不著真實住於聖智所現證法悟二無我離二煩惱淨二種障轉修諸地入於佛地得如幻等諸大三昧永起心意及以意識名得涅槃大慧彼諸外道虛妄計度不如於理智者所棄皆墮二邊作涅槃想於此無有若住若出彼諸外道皆依自宗而生妄覺違背於理無所成就唯令心意馳散往來一切無有得涅槃者汝及諸菩薩宜應速離此時世尊尊重說頌言

大衆入楞伽經卷第四 第三十八

外道涅槃見各各異分別彼唯是妄想無解脫方便遠離諸方便不至無縛處妄生解脫想而實無解脫外道所成立衆智各異取彼悲無解脫愚癡妄分別一切癡外道妄見作所作愚者有無論

是故無解脫凡愚樂分別不生真實慧言說三界本真實滅苦因譬如鏡中像雖現而非實習氣心鏡中凡愚見有二不了唯心現故起二分別若知但是心分別則不生心即是種種速轉想所相如愚所分別雖見而無見三有唯分別外境悉無有妄想種種現凡愚不能覺經經說分別但是具名字若離於語言其義不可得

大衆入楞伽經卷第四

癸卯歲高麗國大藏都監奉勅彫造

大乘入楞伽經卷第五

跋

無常品第三之餘

大周十開國三歲法師寶多難陀奉勅譯

余時大慧菩薩摩訶薩復白佛言世尊願為我說如來應正等覺自覺性令我及諸菩薩摩訶薩而得善巧自悟悟他佛言大慧如汝所問當為汝說大慧言唯世尊如來應供正等覺為作非作為果為因為相所相為說所說為覺所覺如是等為異不異佛言大慧如來應正等覺非作非作非果非因非相非所相非說非所說非覺非所覺何以故俱有過故大慧若如來是作則是無常若是無常一切作法應是如來我及諸佛皆不忍可若非作法則無體性所修方便志空無益同於兔角石女之子非作因成故若非因非果則非有非無若非有非無則超過四句言四句者但隨世間而有言說若超過四句惟有言說則如石女兒大慧石女兒者惟有言說不墮四句以不墮故不可度量

大乘入楞伽經卷第五 第三跋

諸有智者應如是知如來所有一切句義大慧如我所說諸法無我以諸法中無有我性故說元我非是元有諸法自性如來白義應知亦然大慧譬如牛無馬性馬无牛性非無自性一切諸法亦復如是無有自相而非有即有非諸凡愚之所能知何故不知以分別故一切法空一切法無生一切法無自性悉亦如是大慧如來與蘊非異非不異若不異者應是無常五蘊諸法是所作故若異者如牛二角有異不異牛相似故不異長短別故有異如牛右角異左左角異右長短不同色相各別然亦不異如於蘊於界處等一切法亦如是大慧如來者依解脫說如來解脫非異非不異若異者如來便與色相相應色相相應即是無常若不異者修行者見應无差別然有差別故非不異如是智與所知非異非不異若非異非不異則非常非無常非作非所作非為非無為非覺非所覺非相非所相非蘊非異蘊非說非所說非一非異非俱非

大乘入楞伽經卷第五 第三跋

不俱以是義故超一切量超一切量故惟有言說惟有言說故則無有生无有生故則無有滅無有滅故則如虛空大慧虛空非作非所作非作非所作故遠離攀緣遠離攀緣故出過一切諸戲論法出過一切諸戲論法即是如來如來即是正等覺體正等覺者永離一切諸根境界今時世尊重說頌曰出過諸根量非果亦非因相及所相等如是悉皆離蘊緣緣與正覺一異莫能見既無有見者云何起分別非作非作非因非非因非蘊非不蘊亦不離餘物非有一法體如彼分別見亦復非是元諸法性如是待有故成無待無故成有無既不可取有亦不應說不了我無我但著於語言彼溺於二邊自壞壞世間若能見此法則離一切過是名為正觀不毀大導師

余時大慧菩薩摩訶薩復白佛言世尊如佛經中分別攝取不生不滅言此即是如來異名世尊願為我說不生不滅此則無法云何說是如來異名如世尊說一切諸法不生不滅當知

大乘入楞伽經卷第五 第三疏 疏

此則墮有無見世尊若法不生則不可取無有少法誰是如來惟願世尊為我宣說佛言諦聽當為汝說大慧我說如來非是無法亦非攝取不生不滅亦不待緣亦非無義我說無生即是如來意生法身別異之名一切外道聲聞獨覺七地菩薩不了其義大慧辭如帝釋地及虛空乃至手足隨一物各有多名非以名多而有多體亦非無體大慧我亦如是於此娑婆世界有三阿僧祇百千名號諸凡愚人雖聞雖說而不知是如來異名其中或有知如來者知無師者知導師者知勝導者知普導者知是佛者知牛王者知梵王者知毗紐者知自在者知是勝者知迦毗羅者知真實邊者知無盡者知瑞相者知如風者知如火者知如俱毗羅者知如月者知如日者知如王者知如仙者知如迦者知因陀羅者知明星者知大力者知如水者知無減者知無生者知性空者知真如者知是諦者知實性者知實際者知法界者知涅槃者知常住者知平等者

大乘入楞伽經卷第五 第三疏 疏

知無二者知無相者知寂滅者知具相者知因緣者知佛性者知教導者知解脫者知道路者知一切智者知寂勝者知意成身者如是等滿足三阿僧祇百千名號不增不減於此及餘諸世界中有能知我如水中月不入不出但諸凡愚心沒二邊不能解了然亦尊重承事供養而不善解名字句義執著言教昧於真實謂元生無滅是元體性不知是佛差別名號如因陀羅釋提羅等以信言教昧於真實於一切法如言取義彼諸凡愚作如是言義如言說義說無異何以故義無體故是人不了言音自性謂言即義元別義體大慧彼人愚癡不知言說是生是滅義不生滅大慧一切言說墮於文字義則不墮離有離無故元生無體故大慧如來不說墮文字法文字有無不可得故惟除不墮於文字者大慧若人說法墮文字者是虛誑說何以故諸法自性離文字故是故大慧我經中說我與諸佛及諸菩薩不說一字不答一

大乘入楞伽經卷第五 第三疏 疏

字所以者何一切諸法離文字故非不隨義而分別說大慧若不說者教法則斷教法斷者則無聲聞緣覺菩薩諸佛若捨元者誰說為誰是故大慧菩薩摩訶薩應不著文字隨宜說法我及諸佛皆隨眾生煩惱解欲種種不同而為開演今知諸法自心所見無外境界捨二分分別轉心意識非為成立聖自證處大慧菩薩摩訶薩應隨於義莫依文字依文字者墮於惡見執著自宗而起言說不能善了一切法相文辭章句既自損壞亦壞於他不能令人心得悟解若能善知一切法相文辭句義悉皆通達則能令自身受無相樂亦能令他安住大乘若能令他安住大乘則得一切諸佛聲聞緣覺及諸菩薩之所攝受若得諸佛聲聞緣覺及諸菩薩之所攝受則能攝受一切眾生若能攝受一切眾生則能攝受一切正法若能攝受一切正法則不斷佛種若不斷佛種則得勝妙處大慧菩薩摩訶薩生勝妙處欲令眾天安住大乘以十自在力現眾

色像隨其所宜說真實法真實法者無異无別不來不去一切戲論悉皆息滅是故大慧善男子善女人不應如言執著於義何以故真實之法離文字故大慧譬如有以指指物小兒觀指不觀於物愚癡凡夫亦復如是隨言說指而生執著乃至盡命終不能捨文字之指取第一義大慧譬如嬰兒應食熟食有人不解成熟方便而食生者則發狂亂不生不滅亦復如是不方便修則為不善是故宜應善修方便莫隨言說如觀指端大慧實義者微妙寂靜是涅槃因言說者與妄想合流轉生死大慧實義者從多聞得多聞者謂善於義非善言說善義者不隨一切外道惡見身自不隨亦令他不隨是則名曰於義多聞欲求義者應當親近與此相違者文字者宜速捨離

大慧善男子善女人不應如言執著於義何以故真實之法離文字故大慧譬如有以指指物小兒觀指不觀於物愚癡凡夫亦復如是隨言說指而生執著乃至盡命終不能捨文字之指取第一義大慧譬如嬰兒應食熟食有人不解成熟方便而食生者則發狂亂不生不滅亦復如是不方便修則為不善是故宜應善修方便莫隨言說如觀指端大慧實義者微妙寂靜是涅槃因言說者與妄想合流轉生死大慧實義者從多聞得多聞者謂善於義非善言說善義者不隨一切外道惡見身自不隨亦令他不隨是則名曰於義多聞欲求義者應當親近與此相違者文字者宜速捨離

大慧善男子善女人不應如言執著於義何以故真實之法離文字故大慧譬如有以指指物小兒觀指不觀於物愚癡凡夫亦復如是隨言說指而生執著乃至盡命終不能捨文字之指取第一義大慧譬如嬰兒應食熟食有人不解成熟方便而食生者則發狂亂不生不滅亦復如是不方便修則為不善是故宜應善修方便莫隨言說如觀指端大慧實義者微妙寂靜是涅槃因言說者與妄想合流轉生死大慧實義者從多聞得多聞者謂善於義非善言說善義者不隨一切外道惡見身自不隨亦令他不隨是則名曰於義多聞欲求義者應當親近與此相違者文字者宜速捨離

大華嚴經疏卷第五 第十疏 故

性

世事皆如是折伏有因論申述无生有
無生義若存法眼恒不滅我說無因論
外道咸驚怖云何何所因復以何故生
於何處和合而作無因論觀察有為法
非因非無因彼生滅論者所見從是滅
為無故不生為待於衆緣為有名無義
願為我宣說非無法不生亦非以待緣
非有物而名亦非名無義一切諸外道
聲聞及緣覺十住非所行此是無生相
速離諸因緣無有能作者惟心所建立
我說是无生諸法非因生非無亦非有
能所分別轉我說是无生惟心無所見
亦離於二性如是轉所依我說是無生
外物有非有其心無所取一切見咸斷
此是無生相空無性等句其義皆如是
非以空故空無生故說空因緣共集會
是故有生滅分散於因緣生滅則无有
若離諸因緣則更無有法一性及異性
凡愚所分別有無不生法俱非亦復然
惟除衆緣會於中見起滅隨俗假言說
因緣連鈎環若離因緣生義不可得
我說惟鈎環生無故不生離諸外道過
非凡愚所了若離緣鈎環別有生法者

大華嚴經疏卷第五 第三疏 故

性

是則無因論破壞鈎環義如燈能照物
鈎環現若然此則離鈎環別有於諸法
无生則無性體相如虛空離鈎環求法
愚夫所分別復有餘無生衆聖所得法
彼生無生者是則無生忍一切諸世間
無非是鈎環若能如是解此人心得定
無明與愛業是則內鈎環種子泥輪等
如是名為外若言有他法而從因緣生
離於鈎環義此則非教理生法若非有
彼為誰因緣展轉而相生此是因緣義
堅濕暖動等凡愚所分別但緣無有法
故說無自性如醫療衆病其論無差別
以病不同故方藥種種殊我為諸衆生
滅除煩惱病知其根勝劣演說諸法門
非煩惱根異而有種種法惟有一大乘
清涼八支道
今時大慧菩薩等訶薩復白佛言世
尊一切外道妄說無常世尊亦言諸
行無常是生滅法未知此說是邪是
正所言無常復有幾種佛言大慧外
道說有七種无常非是我法何等為
七謂有說始起即捨是名无常生已
不无無常性故有說形度變壞是名

大華嚴經疏卷第五 第十疏 故

性

無常有說色即无常有說色之變異是
名無常一切諸法相續不斷能令變異
自然歸滅猶如乳酪前後變異雖不可
見然在法中壞一切法有說物無常有
說物無物無常有說不生無常遍住一
切諸法之中其中物無物無常者謂能
造所造其相滅壞大種自性本來無
起不生無常者謂常與無常有無等
法如是一切皆無有起乃至分拊至
於微塵亦無所見以不起故說名無
生此是不生無常相若不了此則墮
外道生無常義有物無常義有物無
常者謂於非常非無常處自生分別
其義云何彼立無常自不滅壞能壞
諸法若無無常壞一切法法終不滅
成於無有如杖提反石能壞於物而自
不壞此亦如是大慧現見无常與一
切法無有能作所作差別云此是无
常此是所作無差別故能作所作應
俱是常不見有因能令諸法成於无
故大慧諸法壞滅實亦有因但非凡
愚之所能了大慧是因不應生於異
果若能生者一切異法應並相生彼法

此法能生所生應无有別現見有別云
何異因生於異果大慧者無常性是有法者應同所作自是無常自无常故所無常法皆應是常大慧者無常性住諸法中應同諸法墮於三世與過去色同時已滅未來不生現在俱壞一切外道計四大種體性不壞色者即是大種差別大種造色雖異不異故其自性亦不壞滅大慧三有之中能造所造莫不皆是生住滅相豈更別有無常之性能生於物而不滅耶始造即捨无常者非大種乎造大種以各別故非自相造以無異故非復共造以乖離故當知非是始造無常形狀壞無常者此非能造及所造壞但形狀壞其義云何謂分指色乃至微塵但減形狀長短等見不滅能造所造色體此見墮在數論之中色即是無常者謂此即是形狀无常非大種性若大種性亦無常者則無世事無世事者當知則墮虛迦耶見以見一切法自相生惟有言說故轉變无常者謂色體變非大種變辭如以金作莊嚴具嚴

具有變而金無改此亦如是大慧如是等種種外道虛妄分別見無常性彼作是說火不能燒諸火自相但各分散若能燒者能造所造則皆斷滅大慧我說諸法非常無常何以故不取外法故三界唯心故不說諸相故大種性處種種差別不生不滅故非能造所造故能取所取二種體性一切皆從分別起故如實而知二取性故了達惟是自心現故離外有無二種見故離有元見則不分別能所造故大慧世間出世間及出世間上上諸法惟是自心非常非无常不能了達墮於外道二邊惡見大慧一切外道不能解了此三種法依自分別而起言說著無常性大慧此三種法所有語言分別境界非諸凡愚之所能知余時世尊重說頌言

始造即便捨 形狀有轉變 色物等元常
外道妄分別 諸法無壞滅 諸大自性住
外道種種見 如是說無常 彼諸外道眾
皆說不生滅 諸大性自常 誰是无常法
能取及所取 一切惟是心 二種從心現

無有我我所梵天等諸法我說惟是心
若離於心者 一切不可得

大乘入楞伽經現證品第四

余時大慧菩薩摩訶薩復白佛言世尊願為我說一切聲聞緣覺入滅次第相續相令及諸菩薩摩訶薩善知此已於滅盡三昧樂心无所惑不墮二乘及諸外道錯亂之中佛言諦聽當為汝說

大慧菩薩摩訶薩至于六地及聲聞緣覺入於滅定七地菩薩念念恒入離一切法自性相故非諸二乘二乘有作隨能所取不得諸法无差別相了善不善自相共相入於滅定是故不能心念恒入大慧八地菩薩聲聞緣覺心意意識分別想滅始從初地乃至六地觀察三界一切唯是心意意識自分別起離我我所不見外法種種諸相凡愚不知由无始來過惡薰習於自心內變作能取所取之相而生執著大慧八地菩薩所得三昧同諸聲聞緣覺涅槃以諸佛力所加持故於三昧門不入涅槃若不持者

◇高麗大藏經◇

二八八

大乘入楞伽經卷第五 第十疏 後 註
便不化度一切衆生不能滿足如來之地亦則斷絕如來種性是故諸佛為說如來不可思議諸大功德令其究竟不入涅槃聲聞緣覺著三昧樂是故於中生涅槃想大慧七地菩薩善能觀察心意意識我所執生法无我若生若滅自相共相四无尋辨善巧決定於三昧門而得自在漸入諸地具菩提分法大慧我恐諸菩薩不善了知自相共相不知諸地相續次第墮於外道諸惡見中故如是說大慧彼實無有若生若滅諸地次第三昧往來一切皆是自心所見而諸凡愚不能了知以不知故我及諸佛為如是說大慧聲聞緣覺至於菩薩第八地中為三昧樂之所昏醉未能善了惟心所見自共相習經覆其心著二無我生涅槃覺非寂滅慧大慧諸菩薩摩訶薩見於寂滅三昧樂門即便憶念本願大悲具足修行十無盡句是故不即入於涅槃以入涅槃不生果故離能所取故了達惟心故於一切法無分別故不墮心意及以意

大乘入楞伽經卷第五 第十一疏 後 註
識外法性相執著中故然非不起佛法正因隨智慧行如是起故得於如來自證地故大慧如入夢中方便度河未度便覺覺已思惟向之所見為是真寶為是虛妄復自念言非實非妄如是但是見聞覺知曾所更事分別習氣離有无念意識夢中之所現耳大慧菩薩摩訶薩亦復如是始從初地而至七地乃至增進入於第八得無分別見一切法如幻夢等離能所取見心所廣大用力勤修佛法未證今證離心意意識妄分別想獲無生忍此是菩薩所得涅槃非滅壞也大慧第一義中無有次第亦无相續遠離一切境界分別此則名為寂滅之法今時世尊重說頌言
諸住及佛地惟心無影像此是去來今諸佛之所說七地是有心八地無影像此二地名住餘則我所得自證及清淨此則是我地摩訶薩勝處色究竟莊嚴譬如大火聚火焰熾然發化現於三有悅意而清涼或有現變化或有失時化於彼說諸衆皆是如來地十地則為初

大乘入楞伽經卷第五 第十二疏 後 註
初則為八地第九則為七第七復為八第二為第三第四為第五第二為第六無相有何次
大乘入楞伽經如來常無常品第五
今時大慧菩薩摩訶薩復自佛言世尊如來應正等覺為常為無常佛言大慧如來應正等覺非常非無常何以故俱有過故云何有過大慧若如來常有能作過一切外道說能作常若无常者有所作過同於諸蘊為相所相畢竟斷滅而成無有然佛如來實非斷滅大慧一切所作如瓶衣等皆是無常是則如來有無常過所修福智慈空無益又諸作法應是如來無異因故是故如來非常非元常復次大慧如來非常若是常者應如虛空不待因成大慧譬如虛空非常非無常何以故離常無常若一若異俱不俱等諸過失故復次大慧如來非常若是常者則是不生同於兔馬魚蛇等角
復次大慧以別義故亦得言常何以故謂以現智證常法故證智是常如

來亦常大慧諸佛如來所證法性法住法位如來出世若不出世常住不易在於一切二乘外道所得法中非是空無然非凡愚之所能知大慧夫如來者以清淨慧內證法性而得其名非以心意意識蓋界處法妄習得名一切三界皆從虛妄分別而生如來不從妄分別生大慧若有於二有常無常如來无二證一切法無生相故是故非常亦非無常大慧乃至少有言說分別生即有常無常過是故應除二分別覺勿令少在余時世尊重說頌言

遠離常無常而現常無常如是恒觀佛不生於惡見若常無常者所集皆無益為除分別覺不說常無常乃至有所立一切皆錯亂若見惟自心是則無違諍大乘入楞伽經剎那品第六

余時大慧菩薩摩訶薩復白佛言世尊惟願為我說蓋界處生滅之相若無有我誰生誰滅而諸凡夫依於生滅不求盡苦不證涅槃佛言大慧諦聽諦聽當為汝說大慧如來藏是善

不善因能遍興造一切趣生譬如伎兒變現諸趣離我我所以不覺故三緣和合而有果生外道不知執為作者無始虛偽惡習所熏名為藏識生於七識無明住地譬如大海而有波浪其體相續恒注不斷本性清淨離無常過離於我論其餘七識意識等念念生滅妄相為因境相為緣和合而生不了色等自心所現計著名相起若樂受名相纏縛既從貪生復生於貪若因及所緣諸取根滅不相續生自慧分別苦樂受者或得滅定或得四禪或復善入諸諦解脫便妄生於得解脫想而實未捨未轉如來藏中藏識之名若無藏識七識則滅何以故因彼及所緣而得生故然非一切外道二乘諸修行者所知境界以彼惟了人無我性於蓋界處取於自相及共相故若見如來藏五法自性諸法無我隨地次第而漸轉滅不為外道惡見所動住不動地得於十種三昧樂門為三昧力諸佛所持觀察不思議佛法及本願力不住寶際及三昧

樂獲自證智不與二乘諸外道共得十聖種性道及意生智身離於諸行是故大慧菩薩摩訶薩欲得勝法應淨如來藏藏識之名大慧若無如來藏名藏識者則無生滅然諸凡夫及以聖人患有生滅是故一切諸修行者雖見內境界住現法樂而不捨於勇猛精進大慧此如來藏藏識本性清淨客塵所染而為不淨一切二乘及諸外道臆度起見不能現證如來於此分明現見如觀掌中菴摩勒果大慧我為勝鬘夫人及餘深妙淨智菩薩說如來藏名藏識與七識俱起今諸聲聞見法無我大慧為勝鬘夫人說佛境界非是外道二乘境界大慧此如來藏藏識是佛境界與汝等比淨智菩薩隨順義者所行之處非是一切執著文字外道二乘之所行處是故汝及諸菩薩摩訶薩於如來藏藏識當勤觀察莫但聞已便生足想余時世尊重說頌言

甚深如來藏而與七識俱執著二種生了知則遠離無始習所熏如像現於心

若能如實觀境相悉無有如愚見指月
觀指不觀月計者文字者不見我真實
心如工伎兒意如和伎者五識為伴但
妄想觀伎衆

今時大慈菩薩摩訶薩復白佛言世
尊願為我說五法自性諸識無我差
別之相我及諸菩薩摩訶薩善知此
已漸修諸地具諸佛法至於如來自
證之位佛言諦聽當為汝說大慈五
法自性諸識無我所謂名相分別正
智如如若修行者觀察此法入於如
來自證境界遠離常斷有無等見得
現法樂甚深三昧大慈凡愚不了五
法自性諸識無我於心所現見有外
物而起分別非諸聖人大慈白言云
何不了而起分別佛言大慈凡愚不
知名是假立心隨流動見種種相計
我我所添著於色覆障聖智起貪瞋
癡造作諸業如蟹作蟹想自經蟹
於諸趣生死大海如汲水輪循環不
絕不知諸法如幻如焰如水月中自
心所見妄分別起離能所取及生住
滅謂從自在時節微塵勝性而生隨

名相流大慈此中相者謂眼識所見
名之為色耳鼻舌身意識得者名之
為聲香味觸法如是等我說為相分
別者施設衆名顯亦諸相謂以鳥馬
車步男女等名而顯其相此事如是
決定不異是名分別正智者謂觀名
相示為其容識心不起不斷不常不
隨外道二乘之地是名正智大慈菩
薩摩訶薩以其正智觀察名相非有
非无遠離損益二邊惡見名相及識
本來不起我說此法名為如如大慈
菩薩摩訶薩住如如已得无照現境
昇歡喜地離外道惡趣入出世法相
淳熟知一切法猶如幻等證自聖智
所行之法離曉度見如是次第乃至
法雲三法雲已三昧諸力自在神通
具數滿足成於如來成如來已為衆
生故如水中月普現其身隨其欲樂
而為說法其身清淨離心意識被引
摺甲具足成滿十無盡願是名菩薩
摩訶薩入於如如之所獲得

今時大慈菩薩摩訶薩復白佛言世
尊為三性入五法中為各有自相佛

言大慈三性八識及二無我悉入五
法其中名及相是妄計性以依彼分
別心心所法俱時而起如日與光是
緣起性正智如如不可壞故是圓成
性大慈於自心所現生執著時有八
種分別起此差別相皆是不實惟妄
計性若能捨離二種我執二無我智
即得生長大慈聲聞緣覺菩薩如來
自證聖智諸地位次一切佛法悉皆
攝入此五法中復次大慈五法者所
謂相名分別如如正智此中相者謂
所見色等形狀各別是名為相依彼
諸相立瓶等名此如是此不異是名
為名施設衆名顯亦諸相心心所法
是名分別彼名彼相畢竟無有但是
妄心展轉分別如是觀察乃至覺滅
是名如如大慈真實決定究竟根本
自性可得是如如相我及諸佛隨順
證入如其實相開示演說若能於此
隨順悟解離斷離常不生分別入自
證處出於外道二乘境界是名正智
大慈此五種法三性八識及二無我
一切佛法普皆攝盡大慈於此法中

汝應以自智善巧通達亦勸他人令其通達通達此已心則決定不隨他轉今時世尊重說頌言

五法三自性 及與八種識 二種元我法 普攝於大乘名相及分別 二種自性攝 正智與如如是則圓成相

余時大慧菩薩摩訶薩復白佛言世尊如經中說過去未來現在諸佛如恒河沙此當云何為如言而受為別有義

佛告大慧勿如言受大慧三世諸佛非如恒河沙何以故如來東勝超諸世間無與等者非喻所及唯以少分為其喻耳我以凡愚諸外道等心恒執著常與無常惡見增長生死輪迴令其耽離發勝怖望言佛易成易可逢值若言難遇如優曇花彼便退怯不勤精進是故我說如恒河沙我復有時觀受化者說佛難值如優曇花大慧優曇鉢花元有曾見現見當見如來則有已見當見大慧如是譬喻非說自法自法者內證聖智所行境界世間无等過諸譬喻一切凡愚不能信

受大慧真實如來起心意意識所見之相不可於中而立譬喻然亦有時而為建立言恒河沙等無有相違大慧譬如恒沙龜魚為鳥之所踐踏不生分別恒淨無垢如來聖智如彼恒河力通自在以為其沙外道龜魚頭來擾亂而佛不起一念分別何以故如來本願以三昧樂普安眾生如恒河沙無有愛憎无分別故大慧譬如恒沙是地自性劫盡燒時燒一切地而彼地大不捨本性恒與火大俱時生故諸凡愚人謂地被燒而實不燒火所因故如來法身亦復如是如恒河沙終不壞滅大慧譬如恒沙元有限量如來光明亦復如是為欲成就無量眾生普照一切諸佛大會大慧譬如恒沙住沙自性不更改變而作餘物如來亦於世間中不生不滅諸有生因悉已斷故大慧譬如恒沙取不知滅投不見增諸佛亦以方便智成熟眾生無滅無增何以故如來法身無有身故大慧以有身故而有滅壞法身無身故無滅壞大慧

譬如恒沙雖苦壓治欲求蘇油終不可得如來亦亦雖為眾所壓苦所壓乃至蠢動未盡涅槃欲令捨離於法界中深心願樂亦不可得何以故具足成就大悲心故大慧譬如恒沙隨水而流非無水也如來亦亦所有說法莫不隨順涅槃之流以是說言諸佛如來如恒河沙大慧如來說法不隨於趣趣是壞義生死本際不可得知既不可知云何說趣大慧趣義是斷凡愚莫知大慧菩薩復白佛言若生死本際不可知者云何眾生在生死中而得解脫佛言大慧無始虛偽過習因滅了知外境自心所現分別轉依名為解脫非滅壞也是故不得言無邊際大慧無邊際者但是分別異名大慧離分別心無別眾生以智觀察內外諸法知與所知悉皆寂滅太慧一切諸法唯是自心分別所見不了知故分別心起了心則滅余時世尊重說頌言

觀客諸導師 譬如恒河沙 非壞亦非趣 是人能見佛 譬如恒河沙 悉離一切過

而恒隨順流佛體亦如是

大乘入楞伽經卷第五 第三十次 第八

今時大慈菩薩摩訶薩復自佛言世尊願為我說一切諸法剎那壞相何等諸法名有剎那佛言諦聽當為汝說大慈一切法者所謂善法不善法有為法無為法世間法出世間法有漏法無漏法有受法無受法大慈舉要言之五取蘊法以心意意識習氣為因而得增長凡愚於此而生分別謂善不善聖人現證三昧樂住是則名為善無漏法復次大慈善不善者所謂八識何等為八謂如來藏名藏識意及意識并五識身大慈彼五識身與意識俱善不善相展轉差別相續不斷無異體生生已即滅不了於境自心所現次第滅時別識生起意識與彼五識共俱取於種種差別形相剎那不住我說此等名剎那法大慈如來藏名藏識所與意等諸習氣俱是剎那法無漏習氣非剎那法此非凡愚剎那論者之所能知彼不能知一切諸法有是剎那非剎那故彼計無為同諸法壞墮於斷

見大慈五識身非流轉不受苦緣

大乘入楞伽經卷第五 第三十次 第八

非涅槃因如來藏受苦樂與因俱有生滅四種習氣之所迷覆而諸凡愚分別熏心不能了知起剎那見大慈如金剛佛之舍利是奇特性終不損壞若得證法有剎那者聖應非聖而彼聖人未曾非聖如金剛雖經劫住稱量不減云何凡愚不解於我秘密之說於一切法作剎那想大慈菩薩復自佛言世尊常說六波羅蜜若得滿足便成正覺何等為六云何滿足

佛言大慈波羅蜜者差別有三所謂世間出世間出世間上上大慈世間波羅蜜者謂諸凡愚者我執取二邊求諸有身貪色等境如是修行檀波羅蜜持戒忍辱精進禪定成就神通生於梵世大慈出世間波羅蜜者謂聲聞緣覺執著涅槃命來自樂如是修習諸波羅蜜大慈出世間上上波羅蜜者謂菩薩摩訶薩於自心二法了知惟是分別所現不起妄想不生執著不取色相為欲剎樂一切眾生

而恒修行檀波羅蜜於諸境界不起

大乘入楞伽經卷第五 第三十次 第八

分別則是則修行尸波羅蜜即於不起分別之時忍知能取所取自性是則名為攝提波羅蜜初中後夜勤修匪懈隨順實解不生分別則是則名為毗梨耶波羅蜜不生分別不起外道涅槃之見是則名為禪波羅蜜以智觀察心無分別不墮二邊轉淨所依而不壞滅獲於聖智內證境界是則名為般若波羅蜜今時世尊重誡頌曰愚分別有為空無常剎那分別剎那義如河燈種子一切法不生寂靜無所作諸事性皆離是我剎那義生無間即滅不為凡愚說無間相續法諸趣分別起無明為其因心則從彼生未能了色采中間何所住無間相續滅而有別心起不住於色時何所緣而生若緣彼而起其因則虛妄因妄體不成云何剎那滅修行者正受金剛佛舍利及以光音宮世間不壞事如來圓滿智及比丘證得諸法性常住云何見剎那軋城幻等色何故非剎那大種無實性云何說能造

大乘入楞伽經卷第五

癸卯歲高麗國大藏都監奉
勅彫造

大乘入楞伽經卷第六

大周于闐國三藏法師實叉難陀奉勅譯

變化品第七

爾時大慧菩薩摩訶薩復白佛言世
尊如來何故授阿羅漢阿耨多羅三
藐三菩提記何故復說無般涅槃法
衆生得成佛道又何故說從初得佛
至般涅槃於其中間不說一字又言
如來常在於定無覺無觀又言佛事皆
是化作又言諸識剎那變壞又言金
剛神常隨衛護又言前際不可知而
說有般涅槃又現有魔及以魔業又
有餘報謂旃遮婆羅門女孫陀利外
道女及空鉢而還等事世尊既有如
是業障云何得成一切種智既已成
於一切種智云何不離如是諸過佛
言諦聽當為汝說大慧我為無餘涅
槃界故密勸令彼修菩薩行此界他
土有諸菩薩心樂求於聲聞涅槃令
捨是心進修大行故作是說又變化
佛與化聲聞而授記別非法性佛大
慧授聲聞記是秘密說大慧佛與二

乘無差別者據斷惑障解脫一味非
謂智障智障要見法無我性乃清淨
故煩惱障者見人無我意識捨離是
時初斷藏識習滅法障解脫方得永
淨大慧我依本住法作是密語非異
前佛後更有說先具如是諸文字故
大慧如來正知無有妄念不待思慮
然後說法如來久已斷四種習雖二
種死除二種障大慧意及意識眠識
等七習氣為因是剎那性離無漏善
非流轉法大慧如來藏者生死流轉
及是涅槃苦樂之因凡愚不知妄著
於空大慧變化如來金剛力士常隨
衛護非真實佛真實如來離諸障重
二乘外道所不能知住現法樂成就
智忍不假金剛力士所護一切化佛
不從業生非即是佛亦非非佛譬如
陶師衆事和合而有所作化佛亦亦
衆相具足而演說法然不能說自證
聖智所行之境
復次大慧諸凡愚人見六識滅起於
斷見不了藏識起於常見大慧自心
分別是其本際故不可得離此分別

大衆入楞伽經第六 華嚴經
即得解脫四種習斷離一切過今時

世尊重說頌言

三乘及非乘 無有佛涅槃 志授如來記
說離衆過惡 成就究竟智 及無餘涅槃
誘進怯劣人 依此密意說 諸佛所得智
演說如是道 惟此莫非餘 故彼元涅槃
欲色有諸見 如是四種習 意識所從生
藏意亦在中 具意識眼等 無常故說斷
迷意藏起常邪智謂涅槃

大乘入楞伽經斷食肉品第八

余時大慧菩薩摩訶薩復白佛言世
尊願為我說食不食肉功德過失我
及諸菩薩摩訶薩知其義已為未來
現在報習所熏食肉衆生而演說之
令捨肉味求於法味於一切衆生起
大慈心更相親愛如一子想住菩薩
地得阿耨多羅三藐三菩提或二乘
地暫時止息究竟當成無上正覺世
尊路迦耶等諸外道輩起有無見執
著斷常尚有違禁不聽食肉何況如
來應正等覺大悲含有世所依怙而
許自他俱食肉耶善哉世尊具大慈悲
哀愍世間等觀衆生猶如二子願為解

大衆入楞伽經第六 華嚴經
說食肉過惡一食功德今我及諸

菩薩等聞已奉行廣為他說今時大
慧菩薩重說頌言

菩薩摩訶薩 志求無上覺 酒肉及麤惡
為食為不食 愚者貪嗜肉 臭穢無名稱
與彼惡獸同 云何而可食 食者有何過
不食有何德 惟願取勝尊 為我具開演
余時佛告大慧菩薩摩訶薩言大慧
諦聽諦聽善思念之吾當為汝分別
解說大慧一切諸肉有無量緣菩薩
於中當生悲愍不應取食我今為汝
說其少分大慧一切衆生從元始來在
生死中輪迴不息靡不曾作父母兄弟
男女眷屬乃至朋友親愛侍使易生
而受鳥獸等身云何於中取之而食
大慧菩薩摩訶薩觀諸衆生同於已
子念肉皆從有命中來云何而食大
慧諸羅刹等聞我此說尚應斷肉況
樂法人大慧菩薩摩訶薩在在處處
觀諸衆生皆是親屬乃至慈念如一
子想是故不應食一切肉大慧衢路
市肆諸賣肉人或將犬馬人牛等肉
為求利故而販賣之如是雜穢云何

可食

大慧一切諸肉皆是精血汗微所成
求清淨人云何取食大慧食肉之人
衆生見之悉皆驚怖修慈心者云何
食肉大慧譬如獵師及旃陀羅捕魚
網鳥諸惡人等狗見驚吠獸見奔走
空飛水住一切衆生若有見之咸作
是念此人氣息猶如羅刹今來至此
必當殺我為護命故悉皆走避食肉
之人亦復如是是故菩薩為修慈行
不應食肉大慧夫食肉者身體臭穢
惡名流布賢聖喜人不用親狎是故
菩薩不應食肉大慧夫血肉者衆仙
所棄群聖不食是故菩薩不應食肉
大慧菩薩為護衆生信心令於佛法
不生譏謗以慈愍故不應食肉大慧
若我弟子食啖於肉令諸世人悲懷
譏謗而作是言云何沙門修淨行人
棄捨天仙所食之味猶如惡獸食肉滿
腹遊行世間令諸衆生悲懷驚怖壞清
淨行失沙門道是故當知佛法之中
無調伏行菩薩慈愍為護衆生令不
生於如是之心不應食肉大慧如燒

人肉其氣臭穢與燒餘肉等无差別
云何於中有食不食是故一切樂清
淨者不應食肉大慧諸善男女莊開
樹下阿蘭若處寂靜修行或住慈心
或持咒術或求解脫或趣大乘以食
肉故一切障導不得成就是故菩薩
欲利自他不應食肉大慧夫食肉者
見其形色則已生於貪滋味心菩薩
慈念一切衆生猶如己身云何見之
而作食想是故菩薩不應食肉大慧
夫食肉者諸天遠離口氣常臭睡夢
不安覺已憂悚夜又惡鬼奪其精氣
心多驚怖食不知足增長疾病易生
瘡癰恒被諸蟲之所咬食不能於食
深生厭離大慧我常說言凡所食取
作子肉想餘食尚然云何而聽弟子
食肉大慧肉非美好肉不清淨生諸
罪惡敗諸功德諸仙聖人之所棄捨
云何而許弟子食耶若言許食此人
謗我大慧淨美食者應知則是杭米
粟米大小麦豆蘆油石蜜如是等類
此是過去諸佛所許我所稱說我種
性中諸善男女心懷淨信久植善根

於身命財不生貪著慈愍一切猶如
己身如是之人之所應食非諸惡習
常狼性者心所愛重

大慧過去有王名師子生耽著肉味
食種種肉如是不已遂至食人臣民
不堪悉皆離叛亡失國位受大苦惱
大慧釋提桓因慶天王位以於過去食
肉餘習變身為鷹而逐於鴿我時作
王名曰尸毗憐念其鴿自割身肉以
代其命

大慧帝釋餘習尚惱衆生況餘元惡
常食肉者當知食肉自惱惱他是故
菩薩不應食肉大慧昔有一王乘馬
遊獵馬驚奔逸入於山險既無歸路
又絕人居有壯師子與同遊處遂行
醜行生諸子息其取長者名曰班足
後得作王領七億家食肉餘習非肉
不食初食禽獸後乃至人所生男女
悉是羅刹轉此身已復生師子豺狼
虎豹鴟鵂等中欲求人身終不可得
況出生死涅槃之道
大慧夫食肉者有如是等無量過失
斷而不食獲大功德凡愚不知如是

損益是故我今為汝開演凡是肉者
悉不應食大慧凡諸生者多為人食
人若不食亦無煞事是故食肉與煞
同罪奇哉世間貪著肉味於人身肉尚
取食之況於鳥獸有不食者以貪味
故廣設方便置羅網罟罾處安施水
陸飛行皆被煞害設自不食為貪價
直而作是事

大慧世復有人心無慈愍專行慘暴
猶如羅刹若見衆生其身充感便生
肉想言此可食大慧世無有肉非是
自然亦非他然心不疑然而可食者
以是義故我許聲聞食如是肉大慧
未來之世有愚癡人於我法中而為
出家妄說毗尼壞亂正法誹謗於我
言聽食肉亦自曾食大慧我若聽許
聲聞食肉我則非是住慈心者修觀
行者行頭陀者趣大乘者云何而勸
諸善男子及善女人於諸衆生一
子想斷一切肉大慧我於諸處說
十種許三種者是漸禁斷今其修學
今此經中自死他然凡是肉者一切
悉斷大慧我不曾許弟子食肉亦不

為他解說此陀羅尼不為一切天龍
夜叉人非人等諸惡鬼神之所得便
我為禁止諸羅刹故說此神咒若持
此咒則為受持入楞伽經一切文句
悉已具足

大乘入楞伽經頌品第十之初

今時世尊欲重宣此修多羅中諸廣
義故而說偈言

諸法不堅固 皆從分別生 以分別即空
所分別非有 由虛妄分別 是則有識生
八九識種種 如海眾波浪 習氣常增長
縣根堅固依 心隨境界流 如鐵於礪石
眾生所依性 遠離諸計度 及離智所知
轉依得解脫 得如幻三昧 超過於十地
觀見心王時 想識皆遠離 今時心轉依
是則為常住 在於蓮花宮 幻境之所起
既住彼宮已 自在無功用 利益諸眾生
如眾色摩尼 無有為无為 惟除妄分別
愚夫迷執取 如石女夢子 應知補伽羅
道眾諸緣等 悉空无自性 無生有非有
我以方便說 而實無有相 愚夫妄執取
能相及所相 一切知非知 一切非一切
愚夫所分別 佛無覺自他 諸法如幻夢

無生无自性 以皆性空故 無有不可得
我惟說一性 離於妄計度 自性无有三
眾聖之所行 如四大不調 變吐見榮光
所見皆非有 世間亦如是 猶如幻所現
草木凡礫等 彼幻無所有 諸法亦如是
非取非所取 非縛非所縛 如幻如陽焰
如夢亦如翳 若欲見真實 離諸分別取
應修真實觀 見佛必无疑 世間等於夢
色質具亦亦 若能如是見 身為世所尊
三界由心起 迷或妄所見 離妄无世間
知已轉滌依 愚夫之所見 妄謂有生滅
智者如實觀 不生亦不滅 常行無分別
遠離心想法 住色究竟天 離諸過失處
於彼成正覺 具力通自在 反諸勝三昧
現化於此成 化身無量億 遍遊一切處
令愚夫得聞 如響難思法 遠離初中後
亦離於有無 非多而現多 不動而普遍
說眾生身中 所覆之性實 迷惑令幻有
非幻為迷惑 自心迷惑故 一切皆悉有
以此相繫縛 藏識起世間 如是諸世間
惟有假施設 諸見如暴流 行於人法中
若能如是知 是則轉所依 乃為我真子
成就隨順法 愚夫所分別 堅濕煖動法

假名無有實 亦無相所相 身形及諸根
皆以八物成 凡愚妄計色 迷惑身籠檻
凡愚妄分別 因緣和合生 不了真實相
流轉於三有 識中諸種子 能現心境界
愚夫起分別 妄計於二取 無明愛及業
諸心依彼生 以是我了知 為依他起性
妄分別有物 迷惑心所行 此分別都無
迷妄計為有 心為諸緣縛 生起於眾生
諸緣若遠離 我說無所見 已離於眾緣
自相所分別 身中不復起 我為無所行
眾生心所起 能取及所取 所見皆無相
愚夫妄分別 顯示阿賴耶 殊勝之藏識
離於能所取 我說為真如 蘊中无有人
無我無眾生 生唯是識生 滅亦唯識滅
猶如畫高下 雖見無所有 諸法亦如是
雖見而非有 如乳聞婆城 亦如熟時酸
所見恒如是 智觀不可得 因緣及譬喻
以此而立宗 乳城夢火輪 陽焰日月光
火焰毛等喻 以此顯无生 世分別皆空
迷惑如幻夢 見諸有不生 三界無所依
內外亦如是 成就無生忍 得如幻三昧
反以意生身 種種諸神通 諸力及自在
諸法本無生 空無有自性 迷惑諸因緣

大衆會經卷第六 第七疏

而謂有生滅愚夫妄分別以心而現心及現於外色而實無所有如定力觀見佛像與骨鎖及分指大種假施設世間身資及所住此三為所取意取及分別此三為能取迷惑妄計者以能所分別但隨文字境而不見真實行者以慧觀諸法無自性是時住無相一切皆休息如以墨塗鷄無智者妄取實無有三乘愚夫不能見若見諸聲聞及以辟支佛皆大悲菩薩變化之所現三界唯是心分別二自性轉依離人法是則為真如日月燈光焰大種及摩尼無分別作用諸佛亦如是諸法如毛輪遠離生住滅亦離常無常染淨亦如是如著陀都藥見地作金色而實彼地中本無有金相愚夫亦如是無始迷亂心妄取諸有實如幻如陽焰應觀一種子與非種同即一種一切種是名心種種種種子為一轉依為非種平等同法即悉皆無分別種種諸種子能感諸趣生種種衆雜若名一切種子觀諸法自性迷惑不待達物性本無生了知即解脫定者觀世間衆色由心起無始心迷惑實無色無心

大衆會經卷第六 第十疏

如幻與軋城毛輪及陽焰非有而現有諸法亦如是一切法不生唯迷惑所見以從迷妄生愚妄計著二由種種習氣生諸波浪心若彼習斷時心浪不復起心緣諸境起如畫依於壁不亦虛空中何不超於畫若緣少分相合心得生者心既從緣起唯心義不成心性本清淨猶若淨虛空令心還取心由習非異因執著自心現令心得起所見實非外是故說唯心藏識說名心思量以為竟能了諸境界是則名為識心常為無記意具二種行現在識通具善與不善等證乃無定時起地及諸刹亦越於心量而住無相果所見有與無及以種種相皆是諸愚夫顛倒所執著智若離分別物有則相違由心故無色是故無分別諸根猶如幻境界悉如夢能作及所作一切皆非有世諦一切有第一義則無諸法無自性性說為第一義於無自性中因諸言說故而有物起者是名為俗諦若無有言說所起物亦無世諦中無有言無事者顛倒虛妄法而實不可得告倒是有者則無無自性以有元性故

大衆會經卷第六 第十一疏

而彼顛倒法一切諸所有是皆不可得惡習熏於心所現種種相迷惑謂心外妄取諸色像分別無分別分別是可斷無分別能見實性證真空無明熏於心所現諸衆生如幻鳥馬等及樹葉為金猶如翳目者迷惑見毛輪愚夫亦如是妄取諸境界分別所分別及起分別者轉所轉轉因因此六解脫由於妄計故無地無諸諦亦无諸刹土化佛及二乘心起一切法一切處及身心性實无相無智取種種分別迷惑相是名依他起相中所有名是則為妄計諸緣法和合分別於名相此等皆不生是則圓成實十方諸刹土衆生菩薩中所有法報佛化身及變化皆從无量壽極樂界中出於方廣經中應和密意說所有佛子說及諸導師說悉是化身說非是實報佛諸法無有生彼亦非非有如幻亦如夢如化如軋城種種由心起種種由心脫心起更非餘心滅亦如是以衆生分別所現虛妄相惟心實無境離分別解脫由無始積集分別諸戲論惡習之所熏起此虛妄境妄計自性故諸法皆無生

依止於緣起衆生迷分別分別不相應
 依他即清淨所住離分別轉依即真如
 勿妄計虛妄妄計即無實迷妄妄分別
 取所取皆無分別見外境是妄計自性
 由此虛妄計緣起自性生邪見諸外境
 無境但是心如理正觀察能所取皆滅
 如愚所分別外境實非有習氣攝濁心
 似外境而轉已滅二分分別智契於真如
 起於無影像難思聖所行依父母和合
 如菰在於瓶阿賴耶意識今赤白增長
 開戶及稠胞穢業種種生業風增四大
 出生如果熟五典五及五瘡竅有九種
 爪甲齒毛具滿足即便生初生猶真金
 亦如人睡覺眼開見於色分別漸增長
 分別決了已屑屑等和合始發於語言
 猶如鸚鵡等隨衆生意樂安立於大乘
 非惡見行處外道不能受自內所證乘
 非計度所行願說佛滅後誰能受持此
 大慈汝應知善逝涅槃後未來世當有
 持於我法者南天竺國中大名德比丘
 厥号为龍樹能破有無宗世間中顯我
 無上大乘法得初歡喜地住生安樂國
 衆生所起義有無俱不可緣中妄計物

分別於有無如是外道見遠離於法
 一切法名字生處常隨逐已習及現前
 展轉共分別若不說於名世間皆迷
 為除迷惑故是故立名言愚分別諸法
 迷惑於名字及以諸終生是三種分別
 以不生不滅本性如虛空自性無所有
 是名妄計相如幻影陽焰鏡像夢火輪
 如響及軋城是則依他起真如空不二
 實際及法性皆無有分別我說是圓成
 語言心所行虛妄隨二邊慧分別實諦
 是慧無分別於智者所現於愚則不現
 如是智所現一切法無相
 如假金璣瑤非金愚謂金諸法亦如是
 外道妄計妄諸法無始終住於真實相
 世間皆無作妄計不能了過去所有法
 未來及現在如是一切法皆悉是無生
 諸緣和合故是故說有法若離於和合
 不生亦不滅而諸緣起法一異不可得
 略說以為生廣說則為滅一是不生空
 一復是生空不生空為勝生空則滅壞
 真如空實際涅槃及法界種種妄生身
 我說皆異名於諸經律論而起淨分別
 若不了无我依教不依義衆生妄分別

所見如兔角分別即迷惑如渴飲逆焰
 由於妄執著而起於分別若離妄執因
 分別則不起甚深大方廣知諸刹自在
 我為佛子說非為諸聲聞三有空元常
 遠離我我所我為諸聲聞如是說相說
 不著一切法寂淨獨所行思念辟支果
 我為彼人說身是依他起迷惑不自見
 分別外自性而令心妄起報得及加持
 諸趣種類生及夢中所得是神通四性
 夢中之所得及以佛威力諸趣種類等
 皆非報得通習氣熏於心似物而影起
 凡愚未能悟是故說為生隨於妄分別
 外相幾時有今所時增妄不見自心迷
 何以說有生而不說所見無所見而見
 為誰云何說心體自本淨意及諸識俱
 習氣常熏故而作諸濁亂藏識捨於身
 意乃求諸趣識迷似境界見已而貪取
 所見唯自心外境不可得若修如是觀
 捨妄念真如諸定者境界業及佛威力
 此三不思議難思智所行過未補伽羅
 虛空及涅槃我隨世俗事真諦離文字
 二乘及外道同依止諸見迷惑於唯心
 妄分別外境羅漢辟支佛及以佛菩提

大衆入持如經卷第六 第三十二

種子堅成就夢佛灌其頂心幻趣寂靜何為說有無何處及為誰何故願為說迷惑於惟心故說幻有無生滅相相應相所相平等分別名意識及與五識俱如影像暴流從心種子起若心及與意識諸識不起者即得意生身亦得於佛地諸緣及蘊界人法之自相皆心假施設如夢及毛輪觀世如幻夢依止於真實真實離諸相亦離因相應聖者內所證常住於無念迷惑因相應執世間為實一切戲論滅迷惑則不生隨有迷分別癡心常現起諸法空无性而是常無常生論者所見非是無生論一異俱不俱自然及自在時微塵勝性緣分別世間識為生死種有種故有生如畫依於壁了知即便滅辟如見幻人而有幻生死凡愚亦如是癡故起縛脫內外二種法及以彼因緣修行者觀察皆住於元相習氣不離心亦不與心俱雖為習所纏心相無差別心如白色衣意識習為垢垢習之所汙令心不顯現我說如虛空非有亦非無意識亦如是有元皆遠離意識若轉依心則離濁亂我說心為佛

大衆入持如經卷第六 第三十三

覺了一切法永斷三相續亦離於四句有無皆捨離諸有恒如幻前七地心起故有二自性餘地及佛地志是圓成實欲色无色界及以於涅槃於彼一切身皆是心境界隨其有所得是則迷惑起若覺自心已迷惑則不生我立二種法諸相及以證以四種理趣方便說成就見種種名相是迷惑分別若離於名相性淨聖所行隨能所分別則有妄計相若離彼分別自性聖所行心若解脫時則常恒真實種性及法性真如離分別以有清淨心而有離染現無淨則无染真淨聖所行世間從緣生增長於分別觀彼如幻夢是時即解脫種種惡習氣與心和合故衆生見外境不親心法性心性本清淨不生諸迷惑迷從惡習起是故不見心唯迷惑即真真實非餘處以諸行非行非餘處見故若觀諸有為遠離相所相以離衆相故見世惟自心安住於唯心不分別外境住真如所緣起過於心量若起過心量亦起於无相以住無相若不見於大乘行寂无功用淨修諸入惑及我寂勝智無相故不見

大衆入持如經卷第六 第三十四

應觀心所行亦觀智所行觀見慧所行於相無迷惑心所行苦諦智所行是集餘二及佛地皆是慧所行得果與涅槃及以八聖道覺了一切法是佛清淨智眼根及色境空明與作意故令從藏識衆生眼識生取者能所取名事俱無有無因妄分別是為無智者名義至不生名義別亦亦計因無因生不離於分別妄謂住實諦隨見施設說一性五不成捨離於諦義戲論於有無應起此等處以見無我故不妄求諸有計作者為常呪術與諍論實諦離言說而見寂滅法依於藏識故而得有意轉心意為依故而有諸識生虛妄所立法及心性真如定者如是觀通達唯心性觀意與相事不念常無常及以生不生不分別二義從於阿賴耶生起於諸識終不於一義而生二種心由見自心故非空非言說若不見自心為見網所縛諸緣無有生諸根無所有無貪無蘊界悉無諸有為平無諸業報无作無有為執者本來無無縛亦无脫無有元記法非法皆无非時非涅槃法性不可得非佛非真諦

非因亦非果 非因非涅槃 非生亦非滅
 亦無十二支 邊無邊非有一切見皆斷
 我說是唯心 煩惱業與身及業所得果
 皆如焰如夢 如乳聞婆城以住唯心故
 諸相皆捨離 以住唯心故能見於斷常
 涅槃無諸蘊 無我亦无相以入於唯心
 轉依得解脫 惡習為因故外現於大地
 及以諸眾生 唯心无所見身資土影像
 眾生習所現 心非是有无 習氣令不顯
 垢現於淨中 非淨現於垢 如雲翳虛空
 心不現亦不 妄計性為有 於緣起則无
 以妄計迷執 緣起無分別 非所造皆色
 有色非所造 夢幻焰乳城 此等非所造
 若於緣生法 謂實及不實 此人決定作
 一異等諸見 聲聞有三種 願生與變化
 及難貪難等 從於法所生 菩薩亦三種
 未有諸佛相 思念於眾生 而現於佛像
 眾生心所現 皆從習氣生 種種諸影像
 如星雲日月 若大種是有 可有所造生
 六種無性故 無能相所相 大種是能造
 地等是所造 大種本无生 故無所造色
 假實等諸色 及幻所造色 夢色乳城色
 焰色為第五 一闡提五種 種性五亦然

五乘及非乘 涅槃有六種 諸蘊二十四
 諸色有八種 佛有二十四 佛子有二種
 法門有百八 聲聞有三種 諸佛刹惟一
 佛一亦復然 解脫有三種 心流注有四
 無我有六種 所知亦有四 遠離於作者
 及難諸見過 內自證不動 是無上大乘
 生及與不生 有八種九種 一念與漸次
 證得宗唯一 無色界八種 禪差別有六
 辟支諸佛子 出離有七種 三世悉無有
 常無常亦無 作業及果報 皆如夢中事
 諸佛本不生 為聲聞佛子 心恒不能見
 如幻等法故 故於一切刹 從免率入胎
 初生及出家 不從生處生 為流轉眾生
 而說於涅槃 諸諦及諸刹 隨機令覺悟
 世間洲樹林 無我外道行 禪乘阿賴耶
 果境不思議 星宿月種類 諸王諸天種
 乳閼夜叉種 皆曰業受生 不思變易死
 猶與習氣俱 若死永盡時 煩惱網已斷
 財穀與金銀 田宅及僮僕 為馬牛羊等
 皆悉不應畜 不即穿孔牀 亦不泥塗地
 金銀銅鉢等 皆悉不應畜 土石及與鐵
 釜及頗梨器 滿於摩竭量 隨鉢故聽畜
 常以青等色 牛糞泥果菜 涂白飲飲等

今作袈裟色 四指量刀子 刀如半月形
 為以割截衣 修行者聽畜 勿學工巧明
 亦不應賣買 若須使淨人 此法我所說
 常守護諸根 善解經律義 不狎諸俗人
 是名修行者 樹下及巖穴 野屋與塚間
 草窟及露地 修行者應住 塚間及餘處
 三衣常隨身 若闕衣服時 來施者應受
 食出遊行 前視一尋地 攝念而行乞
 猶如蜂採花 丙眾所集處 眾雜比丘尼
 活命與俗交 皆不應乞食 諸王及王子
 大目與長者 修行者乞食 皆不應親近
 生家及死家 親友所愛家 僧尼和雜家
 修行者不食 寺中烟不斷 常作種種食
 及故為所造 修行者不食 行者觀世間
 能相與所相 皆悉離生滅 亦離於有元
 大乘入楞伽經卷第六

癸卯歲高麗國大藏部監奉
 勅彫造

大乘入楞伽經卷第七

大周子閻國三藏法師實叉難陀奉詔譯

偈頌品第十之二

若諸修行者不起於分別不久得三昧
力通及自在修行者不應妄執從微塵
時勝性作者緣生於世間世從自分別
種種習氣生修行者應觀諸有如夢幻
恒常見遠離誹謗及建立身資及所住
不分別三有不想飲食正念端身住
數數恭敬禮諸佛及菩薩善解經律中
真實理趣法五法二无我亦思惟自心
內證淨法性諸地及佛地行者修習此
處蓮花灌頂沉輪諸趣中默離於諸有
往探閒靜處修習諸觀行有物無因生
妄謂離斷常亦謂離有无妄計為中道
妄計無因論元因是斷見不了外物故
壞滅於中道恐墮於斷見不捨所執法
以建立誹謗妄說為中道以覺了惟心
捨離於外法亦離妄分別此行契中道
惟心無有境无境心不生我及諸如來
說此為中道若生若不生自性無自性
有無等皆空不應分別二不能起分別

大乘入楞伽經卷第七 第三十 三

愚夫謂解脫心無覺智生豈能斷二執
以覺自心故能斷二所執了知故能斷
非不能分別了知心所現分別即不起
分別不起故真如心轉依若見所起法
離諸外道過是智者所取涅槃非滅壞
我及諸佛說覺此即成佛若更異分別
是則外道論不生而現生不滅而現滅
普於諸億刹頻現如水月一身為多身
然火及注雨隨機心中現是故說惟心
心亦是惟心非心亦心起種種諸色相
通達皆惟心諸佛與聲聞緣覺等形像
及餘種種色皆說是惟心從於元色界
乃至地獄中普現為衆生皆是惟心作
如幻諸三昧及以意生身十地與自在
皆由轉依得愚夫為相續隨見聞覺知
自分別顛倒戲論之所動一切空无生
我實不涅槃化佛於諸刹演三乘一乘
佛有三十六復各有十種隨衆生心器
而現諸刹土法佛於世間猶如妄計性
雖見有種種而實無所有法佛是真佛
餘皆是化佛隨衆生種子見佛所現身
以迷惑諸相而起於分別分別不異具
相不即分別自性及受用化身復現化

大乘入楞伽經卷第七 第三十 三

佛德三十六皆自性所成由外熏習種
而生於分別不取於真實而取妄所執
迷惑依內心及緣於外境但由此二起
更無第三緣迷惑依內外而得生起已
六十二十八故我說為心知但有根境
則離於我執悟心無境界則離於法執
由依本識故而有諸識生由依內處故
有似外影現無智恒分別有為及无為
皆悉不可得如夢星毛輪如乳閻婆城
如幻如焰水非有而有緣起法亦然
我依三種心假說根境我而彼心意識
自性無所有心意及與識無我有二種
五法與自性是諸佛境界習氣因為一
而成於三相如以一彩色畫譬見種種
五法二無我自性心意識於佛種性中
皆悉不可得遠離心意識亦離於五法
復離於自性是為佛種性若身語意業
不修自淨法如來淨種性則離於現行
神通力自在三昧淨莊嚴種種意生身
是佛淨種性內自證无垢遠離於因相
八地及佛地如來性所成遠行與善慧
法雲及佛地皆是佛種性餘悉二乘攝
如來心自在而為諸愚夫心相差別故

說於七種地第七地不起身語意過失
第八地所依如夢渡河等八地及五地
解了工巧明諸佛子能作諸有中之王
智者不分別若生若不生空及與不空
自性無自性但惟是心量而實不可得
為諸二乘說此實此虛妄非為諸佛子
故不應分別有非有悲非亦無制鄰相
假實法亦無惟心不可得有法是俗諦
無性第一義迷惑於无性是則為世俗
一切法皆空我為諸凡愚隨俗假施設
而彼無真實由言所起法則有所行義
觀見言所生皆悉不可得如離野無蓋
離質亦無影藏識若清淨諸識浪不生
依法身有報從報起化身此為根本佛
餘皆化所現不應妄分別空及以不空
妄計於有元言義不可得凡愚妄分別
德奢塵聚色一一塵皆無是故无境界
衆生見外相皆由自心現所見既非有
故無諸外境如鳥溺深泥不能復移動
聲聞住三昧昏墜亦復然若見諸世間
習氣以為因離有無俱非法無我解脫
自性名妄計緣起是依他真如是圓成
我經中常說心意及與識分別與表示

本識作三有皆心之異名主壽及於煖識
阿賴耶命根意及與意識皆分別異名
心能持於身意恒審思慮意識諸識俱
了自心境界若實有我體異蘊及蘊中
於彼求我體畢竟不可得一二觀世間
皆是自心現於煩惱隨眠離苦得解脫
聲聞為盡智緣覺寂靜智如未之智慧
生起無窮盡外實無有色惟自心所現
愚夫不覺知妄分別有為不知外境界
種種皆自心愚夫以因喻四句而成立
智者悉了知境界自心現不以宗因喻
諸句而成立分別所分別是為妄計相
依止於妄計而復起分別展轉手相依
皆因一習氣此二俱為客非衆生心起
安住三界中心心所分別所起似境界
是妄計自性影像與種子合為十二處
所依所緣合說有所作事猶如鏡中像
譬眼見毛輪習氣覆亦然凡夫起妄見
於自分別境而起於分別如外道分別
外境不可得如愚不了繩妄取以為繩
不了自心現妄分別外境如是繩自體
一異性皆離但自心倒惑妄起繩分別
妄計分別時而彼性非有云何見非有

而起於分別色性無所有瓶木等亦然
但由分別生所見終无有無始有為中
迷惑起分別何法令迷惑顛佛為我說
諸法無自性但惟心所現不了於自心
是故生分別如愚所分別妄計實非有
異此之所有而彼不能知諸聖者所有
非愚所分別若聖同於凡聖應有虛妄
以聖治心淨是故無迷惑凡愚心不淨
故有妄分別如母語嬰兒汝勿涕泣
空中有果來種種任汝取我為衆生說
種種妄計果令彼愛樂已法實離有元
諸法先非有諸緣不和合本不生而生
自性無所有未生法不生離緣無生處
現生法亦不離緣不可得觀實緣起要
非有亦非無非有無俱非智者不分別
外道諸愚夫妄說一異性不了諸緣起
世間如幻夢我無上大乘超越於名言
其義甚明了愚夫不覺知聲聞及外道
所說皆慳怯令義悉敗壞皆由妄計起
諸相及自體形狀及與名攀緣此四種
而起諸分別計梵自在作一身與多身
及日月運行彼非是我子具足於聖見
通達如實法善巧轉諸想到於識彼岸

大乘入楞伽經卷第七 第七經

以此解脫印 永離於有無及離於去來
是我法中子 若色識轉滅 諸業失壞者
是則無生死 亦无常無常而彼轉滅時
色廢雖捨離 業住何賴耶 離有無過失
色識雖轉滅 而業不失壞 今於諸有中
色識復相續 若彼諸衆生 所起業失壞
是則無生死 亦無有涅槃 若業與色識
俱時而滅壞 生死中若生 色業應無別
色心與分別 非異非不異 愚夫謂滅壞
而實離有無 緣起與妄計 展轉無別相
如色與無常 展轉生亦不 既離異非異
妄計不可知 如色無常性 云何說有無
善達於妄計 緣起則不生 由見於緣起
妄計則真如 若滅妄計性 是則壞法眼
便於我法中 建立及誹謗 如是色類人
當毀謗正法 彼皆以非法 滅壞我法眼
智者勿共語 比丘事亦非 以滅壞妄計
建立誹謗故 若隨於分別 起於有無見
彼如幻毛輪 夢焰與亂城 彼非學佛法
不應與同住 以自墮二邊 亦壞他人故
若有修行者 觀於妄計性 寂靜離有無
攝取與同住 如世間有處 出金摩尼珠
彼雖無造作 而衆生受用 非業性亦如是

大乘入楞伽經卷第七 第八經

遠離種種性 所見業非有 非不生諸趣
如聖所了知 法皆無所有 愚夫所分別
妄計法非無 若愚所分別 彼法非有者
既無一切法 衆生無雜染 以有雜染法
無明愛所繫 能起生死身 諸根愚具足
若謂愚分別 此法皆无者 則無諸根生
彼非正修行 若無有此法 而為生死因
愚夫不待修 自然而解脫 若無有彼法
凡至云何別 亦則無聖人 修行三解脱
諸法及人法 自共相无相 諸緣及諸根
我為聲聞說 惟心及非因 諸地與自在
內證淨真如 我為佛子說 未來世當有
身著於袈裟 妄說於有無 毀壞我正法
緣起法无性 是諸聖所行 妄計性無物
計度者分別 未來有愚癡 揭那諸外道
說於無因論 惡見壞世間 妄說諸世間
從於微塵生 而彼塵無因 九種寶物常
從實而感實 從德能生德 真法性異此
毀謗說言無 若本无而生 世間則有始
生死無前際 是我之所說 三界一切物
本無而生者 馳驢狗生角 亦應無有疑
眼色識本無 而今有生者 衣冠及庸等
應從泥團生 如疊中無席 蒲中亦無席

大乘入楞伽經卷第七 第九經

何不諸緣中 一皆生席彼 命者與身
若本無而生 我先已說 彼皆是外道論
我先所說宗 為遠於彼意 既遠於彼已
然後說自宗 恐諸弟子 衆迷者有無宗
是故我為其 先說外道論 迦毗羅惡慧
為諸弟子說 勝性生世間 求那所轉變
諸緣無有故 非已生現生 諸緣既非緣
非生非不生 我宗離有無 亦離諸因緣
生滅及所相 一切皆遠離 世間如幻夢
因緣皆無性 常作如是觀 分別永不超
若能觀諸有 如焰及毛輪 亦如尋香城
常離於有無 因緣俱捨離 令心慧清淨
若言無外境 而惟有心者 無境則無心
云何成唯識 以有所緣境 衆生心得起
無因心不生 云何成唯識 真如及惟識
是衆聖所行 此有言非有 彼非解我法
由能取所取 而心得生起 世間心如是
故非是唯心 身資土影像 如夢從心生
心雖成二分 而心無二相 如刀不自割
如指不自觸 而心不自見 其事亦如是
無有影像處 則無依他起 妄計性亦無
五法二心盡 能生及所生 皆是自心相
密意說能生 而實無自性 種種境界狀

若由妄計生 虛空與兔角 亦應成境相
 以境從心起 此境非妄計 然彼妄計境
 離心不可得 無始生死中 境界悉非有
 心無有起處 云何成影像 若無物有生
 免龜亦應生 不可無物生 而起於分別
 如境現非有 彼則先亦無 云何元境中
 而心緣境起 真如空實際 涅槃及法界
 一切法不生 是第一義性 愚夫墮有無
 分別諸因緣 不能知諸有 無生無作者
 無始心所因 惟心無所見 既無元始境
 心從何所生 無物而得生 如貧應是富
 無境而生心 願佛為我說 一切若無因
 無心亦無境 心既無所生 離三有所作
 因瓶衣角等 而說兔角無 是故不應言
 無彼相因法 無因有故無 是元不成無
 有待元亦不 長轉相因起 若依止少法
 而有少法起 是則前所依 无因而自有
 若彼別有依 彼後復有依 如是則元窮
 亦無有少法 如依木葉等 現種種幻相
 衆生亦如是 依事種種現 依於幻師力
 令愚見幻相 而於木葉等 實無幻可得
 若依止於事 此法則便壞 所見既無二
 何有少分別 分別無妄計 分別亦無有

以分別無故 元生死涅槃 由無所分別
 分別則不起 云何心不起 而得有怡心
 意是別無量 皆無真實法 無實無解脫
 亦無諸世間 如愚所分別 外所見皆無
 習氣擾濁心 似影像而現 有無等諸法
 一切皆不生 但惟自心現 遠離於分別
 說諸法從緣 為愚非智者 心自性解脫
 淨心聖所住 數勝及盡形 梵志真自在
 皆墮於無見 遠離寂靜義 無生元自性
 離垢空如幻 諸佛及今佛 為誰如是說
 淨心修行者 離諸見計度 諸佛為彼說
 我亦如是說 若一切皆心 世間何處住
 何因見大地 衆生有去來 如鳥遊虛空
 隨分別而云 無依亦无住 如履地而行
 衆生亦如是 隨於妄分別 遊復於自心
 如鳥在虛空 身資因土影 佛說惟心起
 願說影惟心 何因云何起 身資因土影
 皆由習氣轉 亦因不如理 分別之所生
 外境是妄計 心緣彼境生 了境是惟心
 分別則不起 若見妄計性 名義不和合
 遠離覺所覺 解脫諸有為 名義皆捨離
 此是諸佛法 若離此求悟 彼無覺自他
 若能見世間 離能覺所覺 是時則不起

名所名分別 由見自心故 妄作名字滅
 不見於自心 則起彼分別 四蘊元色相
 彼數不可得 大種性各異 云何共生色
 由離諸相故 能所造非有 異色別有相
 諸蘊何不生 若見於无相 蘊處皆捨離
 是時心亦離 見法無我故 由損境差別
 生於八種識 於彼無相中 是三相皆離
 意緣阿賴耶 起我我所執 及識二執取
 了知皆遠離 觀見離一異 是則無所動
 離於我我所 二種妄分別 無生元增長
 亦不為識因 既離能所作 滅已不復生
 世間無能作 及離能所相 妄計及惟心
 云何願為說 自心現種種 分別諸形相
 不了心所現 妄取謂心外 由無智覺故
 而起於無見 云何於有性 而心不生著
 分別非有元 故於有不生了 所見惟心
 分別則不起 分別不起故 轉依無所著
 則遠於四宗 謂法有因等 此但異名別
 而立皆不成 應知能作因 亦復不成立
 為遠於能作 說因緣和合 為遠於常過
 說緣是無常 愚夫謂無常 而實不生滅
 不見滅壞法 而能有所作 何有無常法
 而能有所生 天人阿修羅 鬼畜閻羅等

大衆入於如是法中。而於中下
衆生在中生。我說為六道。由業上中下

於中而受生。守護諸善法。而得勝解脫。
佛為諸比丘。說於所受生。念念皆生滅。
諸為我宣說。色色不暫停。心心亦生滅。
我為弟子說。受生念還謝。色色中分別。
生滅亦復然。分別是衆生。離分別非有。
我為此緣故。說於念念生。若離取著色。
不生亦不滅。緣生非緣生。無明真如等。
二法故有起。無二即真如。若彼緣非緣。
生法有差別。常等與諸緣。有能作所作。
是則大牟尼。及諸佛所說。有能作所作。
與外道無異。我為弟子說。身是苦世間。
亦是世間集。滅道皆悉具。凡夫妄分別。
取三自性故。見有能所取。世及出世法。
我先觀待故。說取於自性。今為遮諸見。
不應妄分別。求過為非法。亦令心不定。
皆由二取起。無二即真如。若無明愛業。
而生於識等。邪念復有因。是則無窮過。
無智說諸法。有四種滅壞。妄起二分別。
法實離有無。遠離於四句。亦離於二見。
分別所起二。了已不復生。不生中知生。
生中知不生。彼法同等故。不應起分別。
預備為我說。遮二見之理。令我及餘衆。

大衆入於如是法中。而於中下
恒不隨有無。不離諸外道。亦離於二乘。

諸佛證所行。佛子不退處。解脫因非因。
同一無生相。迷故執異名。智者應常離。
法從分別生。如毛輪幻焰。外道妄分別。
世從自性生。無生及真如。性空與真際。
此等異名說。不應執為無。如手有多名。
帝釋名亦亦。諸法亦如是。不應執為無。
色與空無異。元生亦復然。不應執為異。
成諸見過失。以從分別別。及遍分別故。
執著諸事相。長短方圓等。惣分別是心。
遍分別為忘。別分別是識。皆離能所相。
我法中起見。及外道無生。皆是妄分別。
過失等無異。若有能解了。我所說無生。
及無生所為。是人解我法。為破於諸見。
元生無住處。今知此二義。故我說元生。
佛說無生法。若是有是無。則同諸外道。
無因不生論。我說惟心量。遠離於有無。
若生若不生。是見應離。無因論不生。
生則著作者。作則離諸見。無則自然生。
佛說諸方便。正見大願等。一切法若無。
道場何所成。離能取所取。非生亦非滅。
所見法非法。皆從自心起。牟尼之所說。
前後自相違。云何說諸法。而復言不生。

大衆入於如是法中。而於中下
衆生不能知。預備為我說。得離外道過。

及彼顛倒因。惟願勝說者。說生及與滅。
皆離於有無。而不壞因果。世間墮二邊。
諸見所迷惑。惟願青蓮眼。說諸地次第。
取生不生等。不了寂滅因。道場無所得。
我亦無所說。剎那法皆空。無生元自性。
諸佛已淨二。有二即成過。惡見之所覆。
分別非如來。妄計於生滅。願為我等說。
續集於戲論。和合之所生。隨其類現前。
色境皆是足。見於外色已。而起於分別。
若能了知此。則見真實義。若離於大種。
諸物皆不成。大種既惟心。當知無所生。
此心亦不生。則順聖種性。勿分別分別。
無分別。是智。分別於分別。是二非涅槃。
若立無生宗。則壞於幻法。亦元因起幻。
損減於自宗。猶如鐘中像。雖離一異性。
所見非是無。生相亦如是。如乳城幻等。
悉待因緣有。諸法亦如是。是生非不生。
分別於人法。而起二種我。此但世俗說。
愚夫不覺知。由願與緣集。自力及取勝。
聲聞法第五。而有羅漢等。時隔及滅壞。
勝義真過遠。是四種無常。愚分別非智。
愚夫墮二邊。德虛自性作。以取有無宗。

不知解脫因。大種互相違。安能起於色。但是大種性。無大所造色。火乃燒於色。水復為爛壞。風能令散滅。云何色得生。色蘊及識蘊。惟此二非五。餘但是異名。我既彼如怨。心心所差別。而起於現法。分析於諸色。惟心無所造。青白等相待。作所作亦然。所生及性空。冷熱相所相。有無等一切。妄計不成立。心意及餘六。諸識共相應。皆因藏識生。非一亦非異。數勝及靈形。計自在能生。皆隨有無宗。遠離寂靜哉。大種生形相。非生於大種。外道說大種。生大種及色。於無生法外。外道計作者。依止有元宗。愚夫不覺知。清淨真寶相。而與大智俱。但共心相應。非意等和合。若業皆生色。則違諸蘊。眾生應無取。無有住元色。說色為元者。眾生亦應元。無色論是斷。諸識不應生。識依四種住。無色云何成。內外既不成。識亦不應起。眾生識若無。自然得解脫。必是外道論。妄計者不知。或有隨樂執。中有中諸蘊。女生於無色。無色云何有。無色中之色。彼非是可見。無色則違宗。非乘及乘者。識從習氣生。與諸根和合。

八種於剎那。取皆不可得。若諸色不起。諸根則非根。是故世尊說。根色剎那。迦亡何不了色。而得有識生。云何識不生。而得受生。諸根及根境。聖者了其義。愚癡無智者。妄執取其名。不應執第六。有取及无取。為離諸過失。聖者無定說。諸外道無智。怖畏於斷常。計有為無為。與我無差別。或計與心一。或與意等異。一性有可取。異性有亦然。若取是決了。名為心心所。此取何不能決了。於一性有取及作業。可得而受生。猶如火所成。理趣似非。如火煩燒時。然可然皆具。妄取我亦然。云何無所取。若生者不生。心性常清淨。外道所立我。何不以為智。迷惑識網林。妄計離真法。樂於我論。故馳求於彼此。內證智所行。清淨真我相。此即如來藏。非外道所知。分別於諸蘊。能取及所取。若能了此相。則生真實智。是諸外道等。於賴耶藏處。計意與我俱。此非佛所說。若能辯了此。解脫見真諦。見修諸煩惱。斷除悉清淨。本性清淨心。眾生所迷取。無垢如來藏。遠離邊无边。本識在蘊中。如金銀在鑛。陶冶鍊治已。

金銀皆顯現。佛非人非蘊。但是無漏智。了知常寂靜。是我之所歸。本性清淨心。隨煩惱等。及與我相應。願佛為解說。自性清淨心。意等以為他。彼所積集業。難淨故為二。意等我煩惱。染汙於淨心。猶如彼淨衣。而有諸垢染。如衣得離垢。亦如金出鑛。衣金俱不壞。心離過亦然。無智者推求。梵復疊鼓等。而覓妙音聲。蘊中我亦介。猶如伏藏寶。亦如地下水。雖有不可見。蘊真我亦然。心心所切能。眾集蘊相應。無智不能取。蘊中我亦介。如女懷胎藏。雖有不可見。蘊中真實我。無智不能知。如藥中勝力。亦如木中火。蘊中真實我。無智不能知。諸法中空性。及以無常性。蘊中真實我。無智不能知。諸地自存通。灌頂勝三昧。若無此真我。是等悉皆無。有人破壞言。若有應示我。智者應答言。汝分別示我。說無真我者。謗法者有無。比丘應羯磨。損弃不共語。說真我熾然。猶如劫火起。燒無我稠林。離諸外道過。如慈酪石蜜。及以麻油等。彼皆悉有味。未嘗者不知。於諸蘊身中。五種推求我。愚者不能了。智見即解脫。

大衆入楞伽經卷第七 第十段
明智所立論猶未顯於心 其中所集其

豈能便明了 諸法別異相不了 惟一心計度者妄執 無因及无起 定者觀於心 心不見於心 見從所見生 所見何因起 我姓迦旃延 淨居天中出 為衆生說法 令入涅槃城 緣於本住法 我及諸如來 於三千經中 廣說涅槃法 欲界及無色 不於彼成佛 色界究竟矣 雖欲得菩提 境界非縛因 因縛於境界 修行利智劍 割斷彼煩惱 無我云何有 幻等法有无 愚應顯真如 云何無真我 已作未作法 皆非因所起 一切悉无生 愚夫不能了 能作者不生 所作及諸緣 此二皆無生 云何計能作 妄計者說有 先後一時因 願觀弟子等 說諸物生起 佛非是有為 所具諸相好 是輪王功德 非此名如來 佛以智為相 遠離於諸見 自內證所行 一切過皆斷 瞋貪癡等 老小及憊恣 是等尤重者 皆無梵行分 隨好隨為天 相隱為輪王 此二者放逸 惟願者出家 我釋迦滅後 當有毗耶婆 迦那梨沙婆 劫比羅等出 我滅百年後 毗耶婆所說 婆羅多等論 次有半擇婆 憍拉婆摩摩

大衆入楞伽經卷第七 第十一段
次有胃狸王 難陀及翅多 次發利車王

於後刀兵起 次有極惡時 彼時諸世間 不修行正法 如是等過後 世間如輪轉 日火共和合 焚燒於欲界 復立於諸天 世間運成就 諸王及四姓 諸仙垂法化 畢陀祠施等 當有此法 異談論戲笑法 長行典解釋 我聞如是等 迷惑於世間 所受種種衣 若有正色者 青泥牛糞等 染之令壞色 所服一切衣 令離外道相 現於修行者 諸佛之體相 亦繫於褻褻 水而飲用 次第而乞食 不至於非處 生於勝妙天 及生於人中 實相具足者 生天及人王 王有四天下 法教久臨御 上昇於天宮 由貪皆退失 純善及三時 二時并極惡 餘佛出善時 釋迦出惡世 於我涅槃後 釋種慈達多 毗細大自在 外道等俱出 如是我聞等 擇師子所說 談古及笑語 毗夜婆仙說 於我涅槃後 毗細大自在 彼說如是言 我能作世間 我名離塵佛 姓迦多衍鄰 父名世間主 母名為具財 我生瞻婆國 我之先祖父 從於月種生 故名為月藏 出家修苦行 演說千法門 與大慈授記 然後當滅度

大衆入楞伽經卷第七 第十二段
大慧付達摩 次付弥佉梨 弥佉梨惡時

劫盡法當滅 迦葉拘留孫 拘那含牟尼 及我離塵垢 皆出純善時 純善漸滅時 有導師名慧 成就大勇猛 覺悟於五法 非二時三時 亦非極惡時 於彼純善時 現成等正覺 衣雖不割縷 雜碎而補成 如孔雀尾目 無有人侵棄 或二指三指 間錯而補成 異此之所作 愚夫生貪著 惟畜於三衣 恒滅貪欲火 冰以智慧水 日夜三時修 如放箭勢極 一墜還放一 亦如桴鼓木 善不善亦然 若一能生多 則有別異相 施者應如田 受者應如風 若一能生多 一切無因有 所作因滅壞 是妄計所立 若妄計所立 如燈及種子 一能生多者 但相似非多 胡麻不生豆 稻非穰麥因 小豆非穀種 云何一生多 名手作聲論 廣主造王論 順世論妄說 當生梵藏中 迦多延造經 樹皮仙說祀 鵝鷄出天文 惡世時當有 世間諸衆生 福力感於王 如法衛一切 守護於國土 青驢及赤馬 側僻與馬行 此等大福仙 未來世當出 釋子慈達多 步多五戶者 口力及聰慧 亦於未來出 我在於林野

梵王來惠我鹿皮三岐杖。膊條及軍持。此大修行者。當成離垢尊。說於真解脫。牟尼之幢相。梵王與梵眾。諸天及天眾。施我鹿皮衣。還歸自在宮。我在林樹間。帝釋四天王。施我妙衣服。及以乞食鉢。若立不生論。是目生復生。如是立無生。惟是虛言說。無始所積集。元明為心因。生滅而相續。妄計所分別。僧伽論有二。勝性及變異。勝中有所作。所作應自成。勝性與物俱。求鄰說差別。所作種種變異。不可得。如水銀清淨。塵垢不能染。藏識淨亦然。衆生所依止。如與渠慈氣。蓋味及胎藏。種子亦如是。云何而不生。一性及異性。俱不俱亦然。非所取之有。非無非有為。馬中牛性離。蘊中我亦然。所說為無為。忘皆無自性。理教等求我。是妄垢愚見。不了故說有。惟妄取無餘。諸蘊中之我。一異皆不成。彼過失顯然。妄計者不覺。如水鏡及眼。現於種種影。遠離一異性。蘊中我亦然。行者修於定。見諦及以道。勤修此三種。解脫諸愚見。猶如孔隙中。見電光速滅。法還變亦然。不應起分別。愚夫心迷惑。取涅槃有無。

若得聖見者。如實而能了。應知變異法。遠離於生滅。亦離於有無。及以能所相。應知變異法。遠離外道論。亦離於名相。內我見亦滅。諸天樂觸身。地獄苦逼體。若無彼中有。諸識不得生。應知諸趣中。衆生種種身。胎卵濕生等。皆隨中有生。離聖教正理。欲滅惑及憎。是外道狂言。智者不應說。先應次了我。及分別諸取。以如石女兒。無失了分別。我離於肉眼。以天眼慧眼。見諸衆生身。離諸行諸蘊。觀見諸行中。有好色惡色。解脫非解脫。有住天中者。諸趣所受身。惟我能了達。起過世所知。非計度境界。無我而生心。此云何生。豈不說心生。如河燈種子。若無无明等。心識則不生。離無明元識。云何生相續。妄計者所說。三世及非世。第五不可說。諸佛之所知。諸行取所住。彼亦為智因。不應說習慧。而名為諸行。有此目緣故。則有此法生。無別有作者。是我之所說。風不能生火。而今火熾然。亦由風故滅。云何喻於我。所說為無為。皆離於諸取。云何愚分別。以火成立我。諸緣長轉力。是故能生火。

若分別如火。是我從誰生。意等為因。故諸蘊處積集。無我之商主。常與心俱起。此二常如日。遠離能所作。非火能成立。妄計者不知。衆生心涅槃。本性常清淨。無始過習染。元異如虛空。為財等外道。諸見所雜染。意識之所覆。計火等為淨。若得如實見。便能斷煩惱。捨邪輪稠林。到聖所行處。智所知差別。各異而分別。無智者不知。說所不應說。如愚執異材。作梅檀沉水。妄計與真智。當知亦復然。食訖持鉢歸。洗濯令清淨。澡漱口餘味。應當如是修。若於此法門。如理正思惟。淨信離分別。成就寂勝定。離著處於藏。成金光法燈。分別於有無。及諸惡見網。三毒等皆離。得佛手灌頂。外道執能作。迷方及無因。於緣起驚怖。斷滅無聖性。變起諸果報。謂諸識及意。意從賴耶生。識依末那起。賴耶起諸心。如海起波浪。習氣以為因。隨緣而生起。剎那相鈞鑠。取自心境界。種種諸相。意根等識生。由無始惡習。似外境而生。所見惟自心。非外道所了。因彼而緣彼。而生於餘識。是故起諸見。流轉於生死。諸法如幻夢。

大佛心經卷第二 第五品 月
水月焰乳城當知一切法惟是自分別
正智依真如而起諸三昧如幻首楞嚴
如是等差別得入於諸地自在及神通
成就如幻智諸佛灌其頂見世間虛妄
是時心轉依獲得歡喜地諸地及佛地
既得轉依已如泉色摩尼利益諸衆生
應現如水月捨離有無見及以俱不俱
過於二乘行亦超第七地自內現證法
地地而修治遠離諸外道應說是大乘
說解脫法門如兔角摩尼捨離於分別
離死及還滅教由理故成理由教故顯
當依此教理勿更餘分別
大乘入楞伽經卷第七

癸卯歲高麗國大藏都監奉
勅彫造

大佛心經卷第二 第五品 月
水月焰乳城當知一切法惟是自分別
正智依真如而起諸三昧如幻首楞嚴
如是等差別得入於諸地自在及神通
成就如幻智諸佛灌其頂見世間虛妄
是時心轉依獲得歡喜地諸地及佛地
既得轉依已如泉色摩尼利益諸衆生
應現如水月捨離有無見及以俱不俱
過於二乘行亦超第七地自內現證法
地地而修治遠離諸外道應說是大乘
說解脫法門如兔角摩尼捨離於分別
離死及還滅教由理故成理由教故顯
當依此教理勿更餘分別
大乘入楞伽經卷第七

大佛心經卷第二 第五品 月
水月焰乳城當知一切法惟是自分別
正智依真如而起諸三昧如幻首楞嚴
如是等差別得入於諸地自在及神通
成就如幻智諸佛灌其頂見世間虛妄
是時心轉依獲得歡喜地諸地及佛地
既得轉依已如泉色摩尼利益諸衆生
應現如水月捨離有無見及以俱不俱
過於二乘行亦超第七地自內現證法
地地而修治遠離諸外道應說是大乘
說解脫法門如兔角摩尼捨離於分別
離死及還滅教由理故成理由教故顯
當依此教理勿更餘分別
大乘入楞伽經卷第七